

漳州府志

卷廿二(廿二册内)

三五公司所藏

ル 5

3438

22



門 5
號 3438
卷 22

漳州府志卷之三十五 列女二

國朝列女 乾隆志卷四十三

吳氏 劉氏 吳氏 附鄭氏 曹氏 附黃氏

楊氏 陳氏

夫人吳氏漳浦通奉大夫蔡璧繼室大宗伯世遠母也璧先娶南靖陳夫人夫人年十六媵焉事陳夫人極恭從陳夫人歸寧其父母愛之如已女逾年陳夫人歿遂主中饋挈家政璧選拔入太學留京師五年時耿逆煽亂山盜起夫人子女俱喪奉姑偕女黨匿山中瑣尾流離恆忍飢竟日求粥飲奉翁姑璧歸自京師困如故姑寢

漳州府志 卷之三十五 列女二 三百八十六

早稻田大學圖書館
32.4.16
藏書

疾夫人舉女又不育以乳乳姑者將一年姑卒翁衰病
夫人加意奉事翁召璧命之曰婦賢孝當繼正配位夫
人固讓璧謝曰俟其子貴而成之康熙己丑長子世遠
成進士官翰林假歸璧以羅源教諭乞休乃偕夫人廟
見正位焉又六年次子鳴呵可遠先後舉進士夫人益
自挹損待諸族黨及減獲婢妾謙和無異在時訓諸子
以義一絲粟必問所從來故諸子皆卓然有守康熙丙
申世遠以巡撫陳清端瓊聘主鰲峰書院夫人戒之曰
汝父昔爲全閩師今汝繼之尚無闕前人光郡守聞夫
人賢德扁其堂曰陶歐淑範長媳劉夫人克守姆訓稱

嗣徽焉

劉夫人漳浦人少端靜肅敏年十八歸宗伯世遠蔡氏先
世貴仕然門風清素夫人入室躬操作姑不忍每分其
任嗣是夫人有事常不敢令姑知翁休官家居病肺夫
人和滌滄柔滑以進姑晚得末疾抑搔扶持膳飲隨所
欲夜偕諸妯更迭奉侍者四年不懈夫人未嘗讀書而
明於大義與世遠相莊不失色世遠好施與有所入率
分惠族鄰夫人助成之聞人娣妯以爭利小忿致乘隔
者輒不樂故世遠兄弟數十口同居夫人總家政二十
餘年不辭勞瘁不有私財娣妯間無遺言初世遠登第

諸叔謀爲夫人置婢止之曰君家羣從過期未娶者三人吾未可以畜婢後從宦京師次年生女欲爲覓乳媪則又曰吾六男二女皆自乳今雖有祿豈易吾素哉待妾媵和而有恩嘗以身爲之法云

吳氏龍溪黃淑孕妻幼讀內則已能識大義于歸逮事舅及兩世姑遭寇亂僑居巖戶外風雨不蔽猶勤盥饋滂遭大喪相夫子哭奠無遺禮亂平還故居紡績日繼夜幼供養費性慈善貧婦丐食物詔子孫不得揮手授歲晚燈下諸婦環侍輒舉古名媛及自身所歷險難爲勸

戒課孫曹正句讀以古名人爲勸年耄矣白髮垂垂尚手續命孫婦成之以恤寒無衣者壽近百歲及見孫可潤寬成進士逢

國慶封太宜人 孫婦鄭氏

恩封宜人可潤之妻也可潤友愛諸弟宜人爲冢婦任室事推鮮讓寡內外長幼皆歡洽可潤爲諸生夜讀書對燈而紡從可潤之任無極以紡車自隨北方無紡者召工製車教紡歲時紡婦入署起居如家人可潤治事夜分不得寐紡以待遂霑寒疾卒于署聞其訃戚黨皆涕下相弔

誥封恭人

曹氏海澄葉贈公封侯之妻也入門姑已歿舅老攬疾親調膳飲以進舅宜之執事姑之禮以事庶姑躬為梳櫛細至中帟廁臉手浣滌庶姑將歿語其所生女曰事嫂如事余遭長妯之喪依哭目儘腫葉氏家法嚴能推以施于鄉里婦來為申大義比隣鮮反唇相稽者性儉約一綈鞋常數十年馭僕婢嚴而有恩婢長為擇配嫁之嘗夜不能寐諸子定省問故曰二婢將適人吾慮其不諳官事耳家有乳媪竊銀器十二事其夫懷以去跡知家人將理之官不許曰慢藏自致耳欲召而斥之又不可

許曰彼將無顏面以見人也室西偏不戒於火棖楠延燒如楫杻而燄終不發鄉人救暎立燔衆謂順德之報子廷推孫文馥同舉于鄉最之曰此皆乃祖父積善之報也廷推成進士文馥官中書舍人孫會秀茁門內棣隸雍雍故相國陳榕門宏謀手書春滿南陔為壽卒年九十有五長婦黃氏晁章之妻年二十九寡能抑哀承顏以紓舅姑憂撫叔妯之子為子即文馥自幼課之讀書不姑息姑曹恭人傷足委頓床褥黃氏多方調護復謀諸父凡媿乳者乳姑而覓媪乳兒三暮姑疾瘳壽且康者二十餘年姑歿氏年已七十矣尚就長婦哭位

如禮年八十有三終以子貴

勅封孺人

楊氏長泰劉登芳之妻生而靜正父授以女論語及小學書能解其意動止必以禮歸登芳善事舅姑姑老病連年日夜奉侍嘗剪爪以便抑搔其勤如此舅姑歿既葬登芳遠游海外子幼族人葬偪其舅姑墳控于官未伸楊氏攜幼子登墳長號族人感其孝誠自遷去有利其上世祖祠宇者以重價誘其族人私償之亟貸金以贖猶不足鬻已田償之家雖窶鄰里凶災勉力存恤獨不喜尼媪女巫不許入門少好書既傳家嘗手繙女史八

則而自爲之說其義正大教諸子爲人當學司馬溫公之誠篤爲長子希周宦而貧聞之欣然人以比崔元暉之母遠識云卒年七十有五

陳氏詔安沈其璜妻幼通女史年十六歸其璜善事舅姑姑歿柩在殯有山賊猝至家人皆奔竄氏獨伏柩側哀泣不去賊義之不忍加害復以事姑者事繼姑及庶姑庶姑信讒口譏呵之至被斥逐氏隱忍承順無怨言庶姑卒遺二子放湯好博簞舅怒欲逐之氏跪泣爲哀求舅曰前庶母斥逐汝汝今乃反憐其子耶氏婉轉寬譬舅乃止他日氏子拾十金于道歸以告氏命亟尋其人

還之終歲紡績買易爲生隣有喪家貧無以殮氏出所
易布助之越數日氏以布買之肆肆人給直多一倍氏
曰此豈前與布之報乎但此乃予甘心奈何虧庶人耶
命送還隣舍婦初生子貧乏食氏日減餐與之隣舍婦
以子鬻之人得白金一兩氏聞之遽出金爲贖回隣舍
婦泣自言無以報氏曰吾心惻不能自己豈望報乎其
生平孝而好義類如此年六十有五卒子增廣生

胡夫人龍溪人官保陳龍之嫡配也龍有膂力少時不修
細行閭里患之潛謀加害夫人時未于歸有所聞密遣
人告之曰大丈夫宜乘時建功名胡效無奈子所爲且
聞有不利於君者當速行矣母及十難龍遂仗劍入海
島數年歸命

天朝官金門鎮總兵官方龍之入海也父母欲以夫人改配
他族夫人不可曰必得陳郎結髮配也生死以之及龍
貴已娶周氏夫人卒守貞不字一日遣其叔告龍龍曰
尚未他適乎急備禮迎正內位令周氏下焉生子汝鍵
夫人爲擇配有某氏女貌甚醜自分不敢匹公子夫人
竟定盟告汝鍵曰相此女有福澤必能助汝以繼父業
毋以貌取也後汝鍵亦開帥府于金門羣稱夫人善鑑
識焉龍之鎮金門也同安人許貞負官餉被繫其叔開

鬻子以償乃得釋龍聞捐金百餘兩代贖歸令完娶泉人德之或曰夫人內助功也

論曰家道之興非獨正家君子端本善則已也蓋亦有內德相成之功焉故易衍家人以正位為天地之大義言物行恒女貞所由利也徽音之嗣陰教之脩詩書尚矣聿稽前史若晉唐陶柳宋陳歐陽諸名家顯垂令聞傳為望閥愛其子孫者罔弗美其賢淑亦風教翔洽之觀也我

朝德化覃敷太和之氣徧滿陬澁降德兆民漳南徵之矣於是論次壺範采其尤著者曰吳夫人以下凡數

家雖履順也艱遇不盡同要皆助流隆運同扶名教以集休祥故彙表而出之俾正家君子得以考焉

康氏 龔氏 附黃氏 鄭氏

康氏丁朝暉妻龍溪人事姑至孝姑病劇夫婦哀禱中庭康私有所祝祝畢取利刀割臂肉二寸許欲以啖姑夫色動叫號鄰人觀者皆感泣曰天乎當鑒若婦令若姑有瘳也果一啜而愈後姑臨終執其手曰吾無以報婦願婦得新婦亦如婦足矣其子元房娶龔氏果善事姑亦割臂以愈姑病當是時家人無知之者元房入室見龔氏形憊甚左袖朱殷詰其故不答索而視之則臂肉

削其半血濡縷不絕婦姑繼孝雍正丁未年建坊二十六部以

旌郡人士爲立碑誌其事

黃氏龍溪人性至孝年十八適縣民魏睿埏魏出賈天津衛氏理家政不貽內顧憂姑病篤逼求醫藥不效氏叩天禱祝割股和藥以甌代笈連擲三吉甌完如故病尋愈夫季弟早夭孤尚幼氏體夫志撫育如已出臨終猶諄諄致囑曰我死切無忘此子也卒時年七十

鄭氏海澄林光宗妻有孝行年十八適林克殫婦道其祖姑最鍾愛之祖姑嘗患癰瘡血流痛甚物不敢近氏以舌舐之綿延床褥二年餘日夜撫摩抑搔無倦色焉其事舅姑孝謹亦然閱四十餘年溫清定省雖至忙未嘗須臾間也而進其旨奉盥漱尤必躬親不敢以婢僕代卒年六十有二

論曰孝庸德也居恒則身體髮膚不敢毀傷有疾則求醫問藥謹於先嘗婦事舅姑如事父母一也醫藥不靈計畫無之至刲已肉以療其姑等於佛氏斷臂嚮身爲供養何其愚歟夫臂肉非已疾之物然往往取效者誠而已矣至誠所感可以貫金石泣鬼神宜其應如響也康氏龔氏鄭氏先後繼孝情迥出此而

天卒能之吁其愚也茲所以不可及乎鄭氏以舌舐
瘡揆厥苦心尚皆隱哉

林氏	林氏	楊氏	李氏	林氏	黃氏	曾氏
陳氏	張氏	楊氏	陳氏	黃氏	蔡氏	張氏
邱氏	吳氏	許氏	王氏	林氏	邱氏	林氏
林氏	林氏	鄭氏	陳氏	辛氏	馬氏	林氏
陳氏	邱氏	楊氏	潘氏	馮氏	洪氏	李氏
吳氏	周氏	侯氏	李氏	葉氏	王氏	卓氏
林氏	黃氏	林氏	吳氏	李氏	葉氏	黃氏
王氏	陳氏	盧氏	李氏	何氏	沈氏	李氏
江氏	陳氏	郭氏	林氏	沈氏	沈氏	胡氏
陳氏	王氏	高氏	陳氏	劉氏	楊氏	陳氏

黃氏 黃氏 林氏 沈氏 沈氏 沈氏 吳氏
 黃氏 趙氏 涂氏 林氏 林氏 潘氏 林氏
 林氏 王氏 江氏 陳氏 吳氏

蔡太夫人節孝林氏漳浦贈尚書衍鑄之妻故翰林院庶
 吉士淮今兵部尚書新之母也蔡氏為漳浦宦族太夫
 人年十九來歸贈公衍鑄逮事舅姑舅祚熹於宗伯世
 遠為叔父性恬淡不問生產家落太夫人盡斥嫁時簪
 珥以供晨夕薪米之需姑善病常在床褥贈公苦學小
 試鬱不得志邁危疾三載遂不起姑亦繼逝於時吉士
 纔六齡尚書週歲耳半載中兩遭大喪舅老子幼家貧

值歲饑太夫人心瘁千待疾情竭于居喪志迫於仰事
 俯育百千茶苦備茹之勗二子就學於宗伯公二子自
 家塾歸太夫人躬帥之提甕汲水灌蔬菜或時自巡視
 夜則環一燈紡績其旁二子誦讀聲朗朗則歡慰稍昏
 倦輒舉古人斷機故事以自況如是者二十年半菽不
 飽而堂上供饌有常饜舅憐而慰之曰自汝為吾家婦
 未獲一日開顏而孝謹益至天必佑汝使汝子能成立
 報汝也二子无後舉于鄉成進士官翰林以節孝請

尚書叠遇

章 恩累封太夫人

漳州府志

卷之三十三

列女二

三百八十一

御書歐荻延禧以綬眉壽介繁祉果如身言年八十三卒晉贈一品夫人

林氏漳浦貢生李叶和妻也年二十四寡苦節自守孝養舅姑教二子皆有聲庠序甲寅之變寇至姑病篤不能動或謂林宜少避林泣曰姑年九十命畢須臾吾將安之脫不幸俱歿于賊未亡人侍姑入地以見先夫得死所矣數日姑卒林哀毀務面賊至憐而免之時鄭經在漳欲辟其長子昌國林戒曰慎勿往此非汝仕進時也未幾鄭果敗康熙三十七年知縣陳汝成旌其門曰貞壽年八十有五夕四年卒

楊氏泰娘龍溪謝與韜妻二十六歲寡值海氛未靖扶姑携幼子逃匿山阿飢寒頓踏卒免于患朝夕與姑相守菽水承歡卒年八十七臨終囑其子曰葬我必于姑墳之旁乾隆間

旌

李氏龍溪洪廷相妻二十五歲寡長子方五歲次子遺腹四壁蕭然女工度活上有老姑病心痛二十年氏晝夜奉侍無少懈二子長且有室矣長子年三十四而殞次子年三十繼亡一孫九歲亦歿乃以夫姪子為繼孫眼枯見血終無怨心卒年七十

林氏龍溪鄭錫環妻二十一歲寡遺孤三歲上有老姑值海寇剽劫挾姑抱子避亂南勝遇賊欲劫其子氏哀號慘戚以三世一脉乞宥賊亦憐而釋之亂平回家四壁蕭然孤燈徹夜粒米寸薪出於氏手卒養姑終其天年撫孤成立氏歿年五十六

黃氏龍溪蔡大經妻二十歲夫歿老姑在堂氏勤女紅供菽水族黨咸稱孝撫二歲孤震孫稍長就傳減餐資以奉師如禮有憐其苦者勸徙業氏堅持不聽晨夜篝燈熒熒母子相傍紡輪聲與書聲至更深不絕震孫補弟子員有文名教讀以養母黃氏年七十三卒延家之祀

青箱繼黃氏之力也

曾氏推娘龍溪徐應麟妻應麟五世零丁父母歿後挈眷往浙江寧波府營生遂客死焉氏年二十八歲遺孤長四歲次甫週年或勸氏家于浙氏曰亡魂不安異地孀婦不宜他鄉况累世墳墓在漳夫家無強近期功可也豈可捨置乃以所遺旅資作運柩費携抱二子匍匐隨柩回籍擇地葬焉子稍長訓以義方絕無姑息之愛各有成立氏孀守五十五載却紛華茹蔬素在老鄰人莫能識其面卒年八十二

陳氏天娘漳浦劉克廉妻年十八于歸又九年而寡子伯

爵方齟齬繼姑在堂謹事之當是時耿逆肆亂賊氛晝夜間作氏護姑挈子女遁逃山谷中携蒸餅數枚以餉姑及子女而已忍餓飢數日不再食以爲常迨亂定督教其子稍稍成家室伯爵生平篤學敦行愷惻謹信有古人風嘗脩葺家廟大合族而祀之其尊祖敬宗之意得諸母教者尤多後氏年八十三子年八十四咸謂有德獲壽云孫婦張氏

張氏正娘平和西林人少聰穎識文字長許字伯爵長子學周年十八于歸卜有期矣學周忽染病憊甚謀改期氏聞謂家人曰病若獲痊改之可也倘不諱奈何使我不一見天面請以期行父母難之氏哀泣絕粒誓必死

乃許之歸歸見學周病日篤卽脫簪珥侍湯藥維謹未兩月學周竟死氏雖孀居恬然若不知爲嫠者雖適人猶然處女惟與小姑同卧起歡愛逾同生服闋歸寧父母潛許配他族氏惶然計不知所出惟日啟後戶東望雪涕適小姑遣老僕至急問曰吾翁姑無恙乎小姑亦無恙乎僕曰翁娘聞娘將他適晝夜哭且不食數日矣氏曰可若何急令僕買小舟從間道走投宿劉氏戚屬之家翼早徒步奔歸衣襦露草露盡濕入門見翁伏地哭曰兒今始得長事膝下矣夫姊婿蔡宗伯世遠時家居聞氏逃歸狀急請翁爲立嗣永不歸寧氏性和而婉

雖遇極拂鬱事絕無幾微愠容年七十餘嘗語人曰曩者吾年少何知大義惟翁姑愛我乃以全我節也翁姑者何氏小姑也乾隆三十四年

旌

楊氏漳浦陳燦妻十七歸于陳翁已歿事姑極婉順姑老無齒惟食人乳氏與夫拮据以奉年二十七孀居男女子各二人長纔十齡楊氏鵲衣藿食蓬頭龜手有田園僅一畝與兒耕鋤其中種葱薤以供旦夕姑亡依于父父無子氏覓宗人子為嗣未幾又絕因泣曰父終無後矣雖然余所生身也不忍以不祀令其子孫伏臘脩祀

焉氏雖年老猶日以灌園為事或止之則曰性所安也後曾元遠驟輒迹當年辛苦事以相勗卒年八十一

陳氏瑤娘漳浦阮道泰妻驃騎文之婦也性醇謹父夢材愛之教之讀孝經女史諸書輒朗朗誦動止皆有法父嘗曰惜也此女乃不為男兒年十八歸於阮宮事井井得堂上歡四載夫病篤誓以身殉夫止之勉以為其難者氏許諾夫卒哀慟瀕死者數旋自抑哀奉老姑撫嗣子逮子授室抱孫將葬姑與夫合窆三穴曰未亡人異日將合窆焉當是時孀居三十五年矣久謝絕鉛華既葬虞祭忽簪一花外孫見頗怪之然不以為意漏初

下子以葬事請母母端坐逝矣大聲呼家人奔救見氏與夫木主對案遺書三緘旁餘碎金葉息微微動卽以鷓鴣血藥之頃而蘓黎明神稍定責子若婦曰若等不孝奈何使我負約汝父于九泉是後家中防之密跬步不少離然精血已耗又二年而終年五十有九

黃氏漳浦劉祖濂妻年十九于歸越六載而寡一子方二齡氏痛不欲生手抱藐孤仰天慟曰非不能相從于地下奈翁姑與此子何爰強自哀抑時或哭泣聞堂上歎息卽收淚吞聲居數歲仲妯歿子六人未成立煢煢失所恃食息起居洎浣濯縫紉氏輒任之十數年不懈其

季生纔五月爲覓乳母甫二齡生瘍遍體厄羸屢瀕于死氏晝夜保抱竟賴以存活焉卒時年六十有三

蔡氏鑾娘長泰人少和順婉婉年十八適同里徐顏顏歛身就範對案相莊肅然也七年而舉子子四歲而孤氏痛不欲生顧姑年老且羸病在床褥氏曰我若效悻悻者爲誰歟事姑者始喪于哀慟每聞朝夕奠哭聲輒哽咽氏復強自哀節用以慰藉姑久病十三年奉侍不怠比終殯葬無失禮居平自奉儉約而樂于施惠環居鄰里凡札喪貧厄疾苦惟氏是賴有急請貸咸厭其欲以去慈于子而不姑息念家世儒業恐失墜拮据殷勤延

師課督厥後子壯猷有聲庠序孫士玉鄉進士僉日以教子有方卒時年七十一

張氏平和人年十七適儒士陳通甫一年而通死姑以氏年少未有所出欲令改適張以死自誓乃令歸母家貧日生于地視不移席女工自給餘則寄以奉姑如是者十年族人義之爲立嗣而姑仍自携嗣別居以遠張適姑病痢張聞步馳五十里往事之三十七日夜不解帶痢得愈姑感焉遂令歸與嗣子聚終其身

邱氏平和人年十七嫁夫游榮宗二十七而夫亡氏方遺腹念庶姑唐氏獨產夫一身而與嫡姑陳氏各撫其子

異爨契齒指誓曰無論生男與女也俱願奉姑終身越五月庶姑亡而子果生男氏撫之事嫡姑兼得其歡卒年七十二

吳氏賢娘海澄人未嫁時以端莊稱年二十三歸徐強光與夫相敬無褻容六載強光夭女四齡男方週歲家貧僅有山足磽田二畝許歲入穀才三十二斗與夫弟剖分而食叔以困乏故糊口四方翁姑髮鬢皤然白氏獨身支掌堂上安之值歉歲家更窘得勺米調薄粥以事舅姑畜幼子自茹菜蔬充飢夜紡績達旦翁姑見而憐之曰若爲余子誤一生若自裁我二人難爲情也氏泣

應曰叔在此猶須代夫供職今外出矣歸去兩老人何依年屢飢富者或枵腹婦安敢憚勤勞自是女事悉靜夜閉戶爲之不令翁姑知後十五年翁歿又如而是而姑歿十指劬勞四十六年兩世賴之嗚呼難矣

龍溪許氏太學生郭植妻幼知書歸于郭夫病氏小心奉事竟不起矢志寡守老姑衰恙扶持抑搔不離側素有瘕疾瘕漬支離展轉不敢離姑側坐紡車呼兒子環于前口授書兒子稍長出就傳夜歸必令背誦能上口則喜有遺妄輒爲之輟食家窮苦上世傳供祀薄田數畝守勿失嘗謂兒子曰苦可耐祀不可失也兒子應章子試名居前有晚代作文字者奉百金以告氏氏怒曰汝以文字進身敢爲非義事何以承家報國耶兒子惴惴彌刻厲承業貢生承綸選入太學爲巨公器重舉于鄉官教諭許氏受

恩旌寵錫孺人年七十卒

王氏報娘海澄吳煒妻家貧以女紅佐夫膏火夫庶出王處兩姑之間能曲爲承順夫歿年二十四矢志撫孤遭鄭氏亂遷徒無家辛苦非常子維圻明經任清豐令孫鍾甲成進士任內邱令鍾弟鑛諸生早卒鑛妻趙氏推娘撫遺腹男家貧而節益勵雍正九年

旌

林氏長泰張直齋妻父廷擢閉門力學遇經史中女事必爲之講說迨歸張不數月寡氏年二十四窶艱迫阨幾不能自存乃携持幼子依林以居恤恤平約意隱情羸瘠愁苦族人皆憫之不知者或妄加揣測也迨子長歸夫家強自支撐克襄翁姑窶少事諸祀田出質者稍稍贖還雖中經亂離卒能成家室勤教子子萱舉於鄉氏始得開顏嘗曰吾初娶依父母家咸以爲贅疣族諸母有以吾年少生異議者喋喋然相聚語余聞恚而投繯思以自白顧以救得不死使遂死焉將不得見兒之立也後萱屆選期不赴幸侍母送終如禮氏時年七十有六雍正三年有司請而

旌之

邱氏詔安生員吳玉柱繼室也年十六適于吳三年而夫故前室子吳焯年七歲矣氏嫻姆訓賦性端莊夫歿時誓欲殉節自縊者數次姑以保孤延嗣勸之遂憬然悟其心矢志隣嫗見其未有子以好語誘之氏厲然曰吾頭可斷志不可奪也自是誘者遂息孀守無資嘗忍饑凍傭紡績以供姑膳及姑卒嘔血數升哀聲動地聞者憫之焯幼苦病與死爲鄰日夜祈禱果獲痊粒積銖累

爲焯娶婦李氏甫年餘生子卒乏力備乳子呱呱泣口
哺之幸長成復娶孫婦又生孫皆氏之力也族人呈請

旌八節孝祠

林氏仁娘海澄陳士傑妻年十三喪父母教以擘績麻絲
遂嫻機織歸陳數月而姑死相其夫以禮人皆曰賢越
四載夫夭氏年二十六雖痛悼不欲生然思爲其難者
祖姑年近耄矣姑又遺三小叔俱齠齡上下氏旦日供
奉祖姑畢必爲叔適其煥寒時其饑飽而後乳哺孤祖
姑每指氏告諸小孫曰若嫂也乎哉母也因俱淚潸潸
下無何祖姑歿兩叔相繼殤氏隻身支撐携一叔與其
子不離左右積憂勞不十年眼昏翳惟日兩手推磨磨
豆粉以爲生逮後年八十家稍充舍節弄會孫偶與人
言昔日辛苦狀輒嗚咽不能竟聞者猶爲酸鼻有司以
上聞

旌表給銀建坊焉

林氏宋娘龍溪人陳纘戀妻纘戀病革氏年二十六誓以
身殉纘戀曰老母眼盲若爲我奉母賢於死乃含哀謹
事育姑迨姑歿又欲從死族人義之爲立嗣子曰德撫
育旣長外出營生而死氏哭哭無依甕殮難繼卒年七
十三親屬陳茂椿殮埋之題曰節孝林氏墓

林氏龍溪人石雄妻年二十六寡時姑已歿翁往臺灣依夫弟氏獨居力食撫孤既而翁歸將居屋所賣仍往臺灣氏無以爲居或諷之去曰我去孤子何恃乃挈孤依外家日夜紡績自給年五十終

鄭氏田娘龍溪人施祖賽妻未婚而祖賽賈於外氏聞舅病甚往侍湯藥舅歿奉姑以居年五十二祖賽始歸爲夫婦越二年而祖賽卒

陳氏謙娘龍溪人配吳世佳繼母性悍迨世佳外出客死粵東氏年二十四子甫週月翁姑令改嫁遂歸母家母窶甚室狹不能容也氏懷幼孩求其妹屋後隙地葢茅而居焉風雨飄搖孤燈夜績迨翁姑繼歿氏典衣賣簪珥歛葬完備子長負販爲生稍稍樹立吳家之祀賴以不墜享壽九十一而終

辛氏龍溪人年二十四夫黃汝發客死福州遺孤三歲家徒壁立氏十指拮据忍饑耐寒蓄積四載運夫柩回籍殯於先人墓側撫孤至十三歲母子共操畚揭運土封築累日成墳過者哀之孀守二十八載以節終

馬氏江南蘓州人龍溪徐爲棟側室棟服賈久羈于蘓娶馬氏年十九越三載棟病篤語馬曰予疾不可爲卽死汝當改適予家貧不能養汝也馬泣曰君言差矣從一

而終豈以貧富去留何卑視人乃爾及棟歿哀慟矢志彌堅或諷之輒忿然曰馬氏女無別適理若不引我還龍溪有一死耳父母知不可奪令其弟護之不遠三千里同爲棟兄子扶櫬歸足不踰閩目不外視辛勤淑慎無間言卒年五十三

林氏龍溪郭天妻天幼失怙恃窘乏難自存結褵時氏年二十五未幾天負病氏自茹苦菜而以粥食其夫隣有隣其貧者遺之米少取之餘不敢受越一載而夫歿未有子自欠靡他父母欲奪其志誘歸寧將以期至迫而遣之氏覺密逃歸其母追之已登舟無及矣立繼亦歿

折筭英獨守安于無可奈何年七十八卒

陳氏年十六適龍溪郭忠甫四月而忠歿翁姑早背忠無兄弟之親氏堅守不去最善女工辛勤蓄積立二嗣撫之性溫淑與鄰里中婦人接不少睡批獨至媒婆以巧言挑之卽拒絕聲色俱厲有謁惡圖佔其姑墳舍令與較無異烈丈夫姑墳獲完壽八十有五終

邱氏信娘適龍溪韓純智時海寇跳梁挈家避亂於歸德未幾翁姑及夫俱亡氏年二十八幼子二歲零落他鄉拮据百艱奉三柩歸里躬操釜揭積日成墳兵燹後空老慘淒饑寒危苦卒能撫孤成立享壽八十五而終

楊氏龍溪郭爾妻十九嫁越三年而寡爾家故貧氏甘清苦勤織紵雪夜暑月机聲徹五更常有偷兒窺伺机上布無可乘將旦自去如是者累月賊相語曰無益也遂不至二十二歲孀守歷四十七載勤劬卒年六十八

潘氏姜娘龍溪鄭希尚妻二十七歲寡遺孤四月舅老又上有祖姑四壁蕭條薪水之需出于隻手越四載而舅歿家益困與祖姑共守孫男氏念老姑幼兒不可缺供力勤忍飢或食薯蕷或食苦菜越十餘載而祖姑歿代夫養父代舅養母爲夫家保一綫俱無憾卒年七十

馮氏卿娘許字龍溪黃眼眼家貧遠遊呂宋久年不返馮父母有異議氏矢志不可奪乃送歸黃家日坐機上竭力養姑守貞十餘年而眼自呂宋回氏年三十九矣行合卺禮甫數月眼再往呂宋越二年客死焉氏求服親爲夫後撫養成立孀守復四十餘年壽八十三卒

洪氏編娘龍溪徐聯奎妻二十四歲寡雙白在堂家貧子幼養老哺孤躬自忍饑冬寒雨雪日著單衣夜以草苫爲被机聲不停苦節艱貞歷四十餘載卒年七十二

李氏二十一歲嫁龍溪林鴻越年寡娠四月誓無他志兄弟語之曰汝家貧窮當于我是依氏泣曰兄弟雖可據奈舅姑在堂年近七十子死猶有婦在婦卽子也安忍

離兒生果男即為夫家延一綫即不然願盡婦職養舅
姑耳既生男始患瘋疾氏懷幼孤奉侍不懈十指辛苦
三十年如一日老終幼長婦事俱完卒年五十一

吳氏合娘許配龍溪郭惠惠患病數年不能娶吳家父母
頗惑於媒者言氏欲以雉經明志惠強起扶病御輪合
番週旬而惠歿翁姑以氏年方二九家苦貧微示再醮
氏泣曰兒來時已決為郭家婦兒豈不知塌疾不可為
願夫婦分明耳乃立嗣而撫之娶婦生孫婦亡孫歿子
又廢疾族人皆為歎惋氏絕無怨言卒年八十三

吳氏月姐龍溪監生林士元妻鄭氏之媵婢也事鄭甚謹
鄭一乳孿生男女甫週歲而士元歿越數月鄭繼殞一
孩呱呱林之父母悲憂慘愴氏年二十以撫孤為已任
誓不他適殷勤鞠養女嫁男婚服事二老人生卒無憾
終其身足不踰闔頭不沐膏卒年五十五

周氏愛蓮龍溪陳少猷之側室也年十九舉一子不育嫡
妻胡氏生兒數月付周乳之越二年少猷歿與嫡同守
志嫡有數子欲以一子為之後辭曰女君有子妾得所
依無庸分別孀守四十九載綜理家務克儉克勤其卒
也嫡子孫為之慟哭累日

侯氏灼娘幼許聘龍溪章鐘崑鍾崑病狂治弗痊兩姓父

母言及婚事各遲疑灼娘泣請願往侍夫病遂歸于韋夫狂益甚越兩載而歿韋家人以為未成婦也矢志不渝孀守五十七年以節終

李氏七娘龍溪謝嘉睿妻年二十二夫死月餘始產遺孤家貧甚有諷以他適者厲色拒之翁姑繼歿悉鬻家器庀喪值海氛未靖懷孤奔竄危難百端幸全子長娶婦生孫子婦俱亡僅一歲幼孫氏復撫一綫卒存夫祀順治癸巳歲歿計苦節五十一年

葉氏倩娘龍溪張志埏妻二十五歲而寡母家調以再適氏以頭搶地暈絕復蘇自是無敢言者家貧子窮手不離筐子不離膝一日雨甚雷起于側聲震數里電光爛屋母子竟無恙鄰里稱異卒年八十五

王氏龍溪徐衍妻二十七歲寡累世零丁僅遺孤子適駿家無半畝矢志孀守子稍長或勸之服賈氏曰夫故業儒幸留一脈不忍使拋父書也乃遣就各師楮筆之需皆由十指出積苦有年子適駿補諸生食餼有聲從學日眾母子稍免饑寒而適駿病歿妻王氏蔭娘不食七日而卒僅有一女孫氏晝夜悲啼間里盡為泣下族有徐懷者願以第三子為適駿後於是戚友及適駿門人醵錢以奠復鳩百金為氏老年之資氏撫養幼孫為夫

家存祀無怨言卒年七十三

卓氏龍溪吳志遴妻潘氏勝婢也潘生一子而亡臨終以幼孤托卓未幾志遴客死他鄉卓年方十八甞勉撫孤底于有成終身不偶卒年七十三

林氏坐娘美姿容善針繡許配龍溪陳堯堯家貧流落他鄉不得歸娶富家子貪其色餌以重聘父母將許之而悔陳婚氏以死自誓不可奪歸陳氏年二十四矣明年夫歿無子矢志與老姑相守蓬頭敝衣爲枯槁容以杜強暴生心十指凍皸不離筐至孑然衰老無怨聲卒後二十餘年夫之兄弟子以其子繼之爲孫

黃氏漳浦人年十六適庠生藍銘瑜藍病革焚香告天願以身代旣歿絕而復甦者三已而歎曰妾死夫其殄矣乃爲夫立孤剪髮自誓治喪具朝夕哭不絕聲踰年所立孤死家學生黃多方消弭復立孤朝夕課督不倦順治乙未大兵南下與族中羣婦趨避大帽山頂石洞窈拆必丈夫扶掖乃得下黃曰苟而全不如正而斃也倘見迫惟有赴崖死耳強之不爲動俄聞鏡吹聲衆相顧失色黃獨無怖容來騎竟以歷險蹶蹄中返素未嘗知文字讀夫遺書著幽室哀詞十三章悲楚激烈丹山張若化若仲二先生爲之序

太孺人林氏漳浦進士寧紹副使應聚孫女幼嫻內則長于歸事翁姑朝夕有恪夫贈徵仕郎張澄弱冠爲諸生有聲庠序間澄伯氏早世孺人舉次子翁令爲之嗣則對曰婦幸有子忍使伯無傳乎未幾澄歿翁亦逝孺人年二十九孤子女熒熒在疚中當是時澄叔弟亦早世惟李一人在孺人理家政必商確而後行襄翁姑窶零事畢卽謂李曰吾先世居此東陵不宜輕棄顧家門零丁茲地僻陋恐非長久計盍去諸擇里于舊鎮居焉旣遷越歲而季復喪子四齡孺人加意撫養並爲三叔立嗣嘗慟哭曰天乎張氏四房藐諸孤迺全仰賴於未亡

人一身乎孺人通文史諸子姪未就傳輒爲正句讀比

長督之嚴雍正庚戌子先躋成進士改庶常逢

國慶封太孺人孺人時年六十三矣先躋以母故不散館歸

侍膝下二十年竟先卒孺人哀戚甚遂得疾未半載亦

終焉

吳氏鞏娘漳浦邱錫濂妻年十八嬪于邱性朴素寡言笑

與夫相莊數年生二子夫弟錫泗歿其配陳氏請奔喪

家人謀共拒之氏獨喜告其姑曰世安得有此人若重

違其志或不測誰任其咎者因許之陳至氏一見意洽

執其手以次子爲嗣越歲夫忽喪慟哭之餘仍自寬解

以哺子爲急且曰姑老矣若過哀是重其傷也每出入必與妯偕曉夜相聚首或燈前共治女紅談古人守節訓子事以爲勗卒時年八十九後錫濂之歿也六十有五年

李夫人山東卽墨人長泰榮祿大夫黃世文妻夫人年十七于歸二十九孀守九十二而考終雖境遇逆順不同而相夫教子處已接人卒能刻志約情以行其素而不愆于義世文喜結納扶夫人以從由齊入秦足跡所歷多相好無不可以定居又有挽以爲鄰者夫人獨殷殷勸以歸漳世文豪邁不謀生產業客遊卒於武昌家無

擔石內外無期功姻婭之親夫人獨以孤嫠持門戶撫四子迨長子士傑官督糧道叔子士俊官遊擊同宦雲南迎夫人就養官舍不數月夫人獨携仲子季子逕歸長泰建宗廟立家室方世文之歿也夫人寔艱殆不可支見鄰媪業屨者分任其事而令諸子治線夫人敏而慧綦絢純縫迥異他手償倍厚得少給饘粥然日率不再舉火以爲常子受線值線家憐之預給百錢持歸夫人詰之告以故復令季子問得寔而後受子嘗晨出夫人留薄粥于釜比歸令取食視之湯中聚粒一盂耳噉其湯而出哺歸又告之則前粒尚存焉人曰苦哉夫人

固恬然也二子既貴夫人迎養滇南部民間賢聲婦女相率迎道左經畧制府中丞諸大吏嘖嘖頌讚贈言人曰榮哉夫人又恬然也夫人居署中日勤操作民孤寡者厚加撫恤村落火災鬻環填遍施之日我非市恩知貧人之苦也夫人既歸士傑等一再請終不就先以士傑任按察使

封淑人及其歿也復以士俊任總兵官

贈一品夫人云

葉氏儼娘南靖沈銓妻年二十于歸嫻于宮事且知書凡家門出入悉手自籍之越二載而夫亡翁姑逝矣無子

隣隣里咸悼之曰痛哉賢婦恐難繼門爵久居此也他日歸兄弟欲奪其志氏佯爲許諾請返擇吉而後行信之令之返則使人告曰兄弟誠愛我願姑遺小叔與小姑俱穉弱未省人事我去誰爲撫養者願兄弟時視我我不能歸視兄弟也時有笑之者爲之語曰守兒智守叔痴待叔生男待何時氏終不爲變也躬親撫養十數年婚嫁各如禮後兩叔感其義各以長子爲之嗣長名曰感取感恩之義氏卒二子入屬家焉感補新都博士弟子員卽名應期者也今孫支繁衍遂世爲西川人

黃氏南靖李寬妻年十六于歸甫一月夫外出氏朝夕事

姑十年不懈姑曰蕩子久不歸存亡莫可保婦年少宜早爲計氏泣曰婦何忍舍姑婦去姑曷賴急求嗣服親以示已無他志時值隆冬輒減已衣以衣姑鄰人失火火將近其屋姑忙迫不知所出氏棄子亟負以避哭于中庭火亦旋滅惜年僅四十卒

王氏弁娘南靖謝羣妻年二十五有二子矣羣之亡也氏一慟幾絕旋自抑撫孤迨免喪暮夜不聞哭聲焉家清貧日絀織爲業易米供翁姑旨甘外有餘布悉襲而藏之白衣補綴衣無咫搗之間者隣婦怪而詰之日衣有時盡不如以此奉翁姑無何翁歿所蓄布盡賣以供具姑繼逝竟無以爲殮枕尸而哭鄉里憐而助之長子十三歲殤次雖授室亦零丁孤苦卒年八十八

陳氏月琴南靖生員許玉樹之婢也玉樹死二孤在襁褓中氏年二十二遺腹生女主母素羸且哀苦不能任事縫紵浣濯洒掃炊汲皆陳身執之或傭于隣家以所得供主母主母曰是善事我命次男母之子又歿然終不渝也如是者三十四年一日病不能興泣曰死吾分也但恨不得終事主耳遂卒年五十五

盧氏平和小坪人年十六適曾履雋未及四年履雋以征海亡于陣二子在抱家無立錐借居於族之黃田樓紡

績傭食率多不給或憫之勸其改節氏曰所以不死者爲撫孤耳畏難而去之生不如死且家富而孀誰則不能勸者乃止艱苦備嘗終無異志年九十有三終

李氏孫肇豫妻卽詔安所稱純孝節母邑令張荃贈匾曰巾幗完人行旅負販相戒不敢踐其階之李用娘者是也用娘少時父母珍愛之口授孝經閨訓大義輒了了長孀于孫年十七柔婉盡婦順執巾櫛三年而夫歿卽欲自引決顧念高堂白首膝下呱呱不敢效激烈之爲貽亡人以地下之痛也于是孀守者五十五年以壽終蓋七十四歲云用娘之抱孫也年老矣諸鄰戚族黨或

天亡閨閨中遺少婦則必代之泣聞有堅志苦守及貞烈者則又極口讚揚之或親屬率携婦偕往其家慰唁委曲勸諭引其良心而敦以節義有曰苦節不可爲也則拍案大哭曰苦孰若予予初寡室如懸磬朝夕勤十指糊楮幣以養以育且日不再食者屢矣不聞以是死也家之中視予若駢拇枝指不敢以是悔也苦孰若予且命旣薄矣再適而獲耳若大義何知適而未必其乎聞者莫不汗下令之旌也將上請于

朝焉用娘聞力辭故其卒也于今垂四十年雖嘖嘖人口尚未邀

旌典云

何氏泰娘詔安四都竹港村林博文妻年十八于歸二十
五夫亡遺下二孤長方七歲次五歲耳未及卒哭兩夫
弟繼亡有老姑在守志孀節艱苦備嘗復抱養族人子
爲亡叔嗣愛如已出姑因哭子曰雙瞽奉養益勤當病
危時呼諸孫婦泣曰吾家門衰薄月餘三子俱亡幸得
汝姑養吾終年今無以報惟願諸孫婦養汝姑亦如爾
姑之養吾言畢而逝時姑年八十有四氏年六十有三
四代一堂至七十四終

沈本娘詔安陳伯起妻生于雍正壬寅年十九適陳五載
夫歿遺下一男尚幼氏泣血椎心誓死因翁姑力勸堅
心守節勤紡績以供老撫幼一日爲隣婦碾粟有勸以
他適者遂激烈出矢言以絕之有強佔產業者翁與理
校被毆跌地急扶而歸遂鳴於官縣令秦其媚憐憫節
孝判業予之而罪其强者且囑其子當讀書以報母恩
聞者皆感涕

李靜娘詔安馬厝城人適吳棣爲妻產一男夫故氏年方
二十家無餘資日抱兩歲孤兒結魚網以資生所居里
不下千家歲時佳節閉戶不出有鄰媪欲窺其志晚自
取家中菓擲之于筵旦往觀之見其菓仍在筵中氏固

未嘗知有菓也由是四鄰益敬憚之夫兄廩生光祖歿
乏嗣氏擇於族之支子爲之繼後亦娶婦成家年八十
有一卒

江氏海澄人嫁于張夫死撫幼子一日鄰舍火起氏念柩
重不可移乃遣其子出獨閉門撫夫柩分與俱亡俄而
雨作火滅子聘婦將娶子又死婦奔喪願奉姑終身遣
之不去也姑婦嘗進中坐對績婦見榴樹已枯問曰枯
樹何不去之姑泣曰是而夫手植者不忍也婦聞言倚
樹哭經宿榴復活花且實十餘年姑死又數年婦亦死
樹復枯惜乎此婦并其姓而失之也

陳氏勸娘海澄黃逢元妻二十四歲夫亡遺腹纔四月嘗
海氛播蕩氏手扶翁背負孤隨里人逃難山中爭投古
廟宿氏以男女不可雜處令翁與子宿廟中而已坐廟
外其造次顛沛必於禮也如此後子貢成均

郭氏海澄劉廷妻夫客死于外氏年二十七撫六月遺腹
子拮据事翁姑家無期功之親依母家紡績以自給孤
子長授室得孫而子與婦又喪氏撫孫倍加孀苦卒年
九十三

林氏漳浦蔡長五妻年三十而夫歿僅遺週歲女時夫兄
弟尚少男子艱于立繼有勸以血衺者氏慟曰是欲誅

予耳夫已亡所重者血嗣次則兄弟之子予所不忍死者正爲延吾夫一綫之脉若相憐念未亡人姑待之夫兄弟皆泣下後六載始得以夫兄子爲嗣撫育授室抱孫矣而嗣子又夭苦携孤孫形單影隻卒時年六十有五初氏之嫠也事姑二十四載極恭謹人稱孝且和焉沈氏詔安許蓮妻年十八歸許三載夫歿遺孤甫週歲甘心守節翁置妾鄉音土性不相習氏婉轉教道之以爲孝姑哭子食頓減氏勸慰之曰不孝子罪孽深重願自愛以撫藐孤姑瞿然爲加餐老益康氏年逾八旬子孫以旌表請遽止之曰未亡人得完節從夫子地下瞑目矣何以名爲年九十終

沈王娘詔安儒士林挺澤妻生而柔順父母鍾愛之年十九適林門閨範端嚴無少差忒適父翁病挺澤外出求藥值東溪水漲人競勸之挺澤以父病危急遂踰險行中流水勢猛烈遂溺焉訃至氏一慟幾絕旋報撈屍不能得奔赴欲以身殉后得屍回家治喪見翁負病而思子轉劇每奉湯藥改顏將事翁顧媳泣曰兒爲我隕身汝又能代兒乎媳曰人子事親不以捐軀爲孝今之事有數存焉媳不忍一死者政爲翁病媳尚遺五月之身萬一生男一門之宗祧賴焉願翁保重得長侍甘旨翁

聞言病少瘥人以爲孝感所致也逮數月果生男辛勤教育至於成立苦節三十二年五十有五終

胡珠娘詔安生員許應捷之妻也十八于歸奉翁脩灑卽以孝聞舉子經邦方三歲而失所天時年二十一也吞聲飲泣以奉翁撫幼逮孤稍長督課加嚴寒風暑雨未嘗或間及長授室沈寶娘側室陳德娘幽閨靜正俱能勤婦教也經邦入泮鄉試獲雋報至胡氏始一慰曰未亡人可以報吾夫於地下矣未幾公車期迫經邦泣涕牽裾請留侍養氏曰汝能成名以光父志雖在萬里猶膝下也舍是而圖色養吾其吐諸矣於是北上至錢塘關河綿渺而函信至姑媳三人慟哭慘切已而胡氏始勸沈氏陳氏厲志孀守始之撫育孤子者復轉撫諸孤矣逮孤子遊泮璧胡氏年八十有二終沈氏亦年登六十陳氏年五十有五苦節之貞蓋未艾云

陳閨娘龍溪王必高妻年二十寡鞠兩孤長圍次貞俱早卒圍婦劉法娘二十二寡貞婦林友娘二十四寡陳氏奉雙瞽老姑寢食必親訓圍貞以義婦化之俱能孝慈陳以七十七終

王氏龍溪陳長茂妻二十九寡家貧嘗剪髮賣之得米以奉翁姑翁姑歿負土成墳有一子自幼卽從舅外出矣

氏卒年七十六

高氏郭鳴臯妻郭故饒富值海氛舉家避入郡城鳴臯斃守宅賊圍城遂不獲入避於他處聞城將陷以憂成疾而卒城陷家人多亡去高氏奉舅姑携一男一女出治夫喪及諸喪時年二十八矢言曰古人謂立孤難以人將圖我乃難也今戎馬崎嶇未亡人當爲其難矣家已破拮据仰事俯育賊至則相從逃竄辛苦不勝言迨娶婦生孫而婦喪呱呱孤孫又待撫養孫曰成郭幼聰穎氏黽勉爲讀書費以冀有成後舉於鄉氏年七十八卒

陳姜娘龍溪人許配王氏子蕩而爲優丐食他鄉父欲別字于氏堅執不從後翁病醫藥無資使人告于陳願得十金聽其改適陳欲之而吝于財也氏佯謂父曰翁病篤而貧其子外出兒卽其婦也可任其顛連無措乎盍稱貸以與之異日其子歸若不能償何用以爲夫乎父從其言及歸無以償陳遂字他姓氏知之陰令人告夫欲自歸其家邑令熊聞之嘉其義以鼓吹輿馬迎歸爲夫婦焉夫行卒不改氏悲憤成疾逾年卒夫人遇艱難而能守義獨抑鬱以終哀哉

劉氏環娘龍溪黃遇和妻年二十一而寡事翁姑中儀則遇翁姑痛念子時婉爲慰解不敢過慟以增悲歲時忌

祭治蘋蘩必躬親不精潔不敢進勤紡績育二孤及長娶婦未幾相繼歿偕媳婦鄒氏陳氏同撫幼孤俱成立孫初五代熾昌年八十五卒乾隆二十五年

旌

楊氏崧娘龍溪黃學妻年二十于歸甫數月而學往臺灣客死焉生一子舅姑老矣家貧無以為守躬自耕作蓬頭塗體養老哺幼拮据粒積運夫骸骨回葬終身感容雖襁負出入遇村歌社舞未嘗留眸鄉鄰咸敬之

陳氏腰娘龍溪徐胡妻十七歲嫁越年而夫歿遺腹生子一子上有老姑家貧無以為生日夜代人机織艱難萬狀百折不回子長浪游于外竟不返老姑歿後氏孑然一身依其弟寄食焉終無悔恨而卒

黃氏平和朱淮妻淮兄弟三人未有子嗣相繼歿歿僅存老母黃氏年二十五堅志寡守為夫立繼嗣二為夫二弟立繼嗣各一日夜辛勤老姑依以為命諸嗣子日環膝前無異同母撫養長成各婚娶生孫卒年八十三

黃氏連娘平和賴一鶴妻二十三歲寡一鶴家故貧以舌耕為生及歿家無斗筲堂有雙白孤兒一綫氏誓志苦守徹夜坐縲車仰事俯育躬自忍飢子天魚稍長課之讀書聲與淚併以徵其志及天魚補諸生教讀供菽水

沈氏顏稍開謂天魚日若能敬事祖父母乃為孝孫餘無足為爾母歡也天魚體母志惟謹孫國達文多俱登鄉榜人以為節孝之報氏卒年六十九歲

林氏詔安沈元勳妻年二十九夫卒家清貧氏朝夕紡績以贍姑鞠子鄰人不戒于火比屋延燒急負姑走既出始知幼子尚外室中也復突烟入抱子出膚髮焦爛幾死姑歿氏營窀穸泣日翁終時以亂故草草葬予心久不忍爰擇吉壤改窆而姑附焉尤善教子孫孫特起登武進士曾孫臚唱國香先後登武科卒時年八十乾隆元年

旌

沈氏詔安生員林開運妻開運以訓家為生及卒家無擔石儲氏年二十三朝夕勤女紅以資菽水翁姑安之姑善病常卧床褥氏扶持抑搔十數年不懈隣有女適人者號為悍婦歸寧數月歸而改行或怪而問之曰吾於母家見沈寡婦孝德不覺顏赧始自悔前此之非也鄉人因稱氏所居為寡婦里氏既自勤苦拮据後粒積稍裕購村地為義塚人尤德之卒年六十八乾隆十五年

旌

沈氏詔安許那祖妻于歸四載而夫卒翁姑老矣室如懸

磬也氏晨起必爨爲食畢卽襁負弱子從女黨入山採
葛蘗績織成布十指終夜不少輟以資生值兵燹扶老
携幼逃匿山谷亂離中克盡婦道饑則掇薇蕨以充腹
卒免於難鄉人言之者咸爲酸楚後九十四歲以壽終
乾隆二十二年

旌

沈氏詔安人適同邑張釋夫三越載而寡遺腹一子家計
泊如也春耕秋穡以娶婦執男子之役十指禿焉姑病
風手足痿痺便溺狼藉床第間轉側需人氏扶携浣滌
經久不懈後孤子長家稍給建宗祠奉祖先仍令孫子
誦讀其中鄉宗奉爲女宗乾隆十六年

旌

吳氏克娘詔安沈恩之妻幼嫻婦道真性貞淑年十七而
寡或諷再嫁氏拒之曰一醮不改婦人之義氏雖至愚
亦嘗側聞古人之遺風矣乃求夫兄一子爲嗣以栢舟
自誓焉舅姑早歿常以不及事爲恨每遇諱日縞素悲
悽孀居十六年其子請葬父氏曰汝祖父母尚未葬而
先葬父可乎爰謀諸伯氏一年之間三柩俱厝鄉里以
其識義理也號爲女宗勤于課子家雖清約待師必從
其厚子夜讀則紡績與偕雖嚴寒酷暑不輟卒年六十

有八

黃氏詔安人適沈嚴六載而寡一女一男皆幼穉氏年二十四或難之曰糧無宿儲舅姑老病小叔遠在臺灣其何恃而能守答曰氏之不去正以此耳遂矢志自守書樵採夜紡績以供朝夕一日樵于山失足頭額俱傷暈久方醒歸至家血濺滿襟姑憐之泣曰婦爲我受苦若此來世願爲婦以報汝功也聞者下淚後二親繼沒氏典鬻衣裳殯葬如禮卒年六十有四

趙氏珠江人前明御史旬龍公會女孫也生而穎慧端靜安詳平居聞曾祖以忠節爲逆黨所害嘗慨然曰如此死賢於生矣及笄許字龍溪郡庠生吳汝楫于歸奉舅姑惟謹初汝楫娶黃氏生一子週而黃亡趙爲繼室復舉一子一女舅姑以長孫非氏出恐異視而趙氏愛之如一以是益得舅姑懽及夫歿以婦道兼子職對舅姑不敢爲戚容遣二子就學或有過則背地垂涕諭責之弗令兒輩啼聲墜八老人耳也舅姑終喪葬禮皆詳慎無有所缺趙氏自少以節聞至年八十三歲乃歿漳浦明經林錫齡爲傳

涂氏詔安陳文昆妻年二十而寡遺腹一男朝夕侍翁姑弗離側忽一日母命歸寧姑暴得在家人以聞氏悉歸

值淋雨水潦驟發濟川之舟梁從人日遲之氏併衣裳
濟視狂流若坦途後翁姑歿殯費之資悉從十指出孀
居六十餘載雍正五年

旌
林氏龍溪石夢珠妻夢珠少客外氏年二十七未見其歸
母議別配氏誓死不肯母強許人氏聞闔戶自經以救
免夢珠母乃迎以過門越二載夢珠歸成婚踰年有娠
而夢珠歿生一子夢珠在外域娶夷女生一子携歸氏
愛之踰已出撫二子成立卒年五十

林氏龍溪郭元妻年二十九夫死丐二子為嗣相繼歿氏
熒熒無依日不再食終不告人卒年七十餘

潘氏趙夏妻鄭氏林衛妻俱漳浦人皆年少寡守撫孤家
窘迫蓬頭赤足胼胝以耨初困于負擔以漸而進旋任
重如健男子夏兄月常狠迫潘氏改適氏堅志不渝惟
約兒於背力作日不再食以為常幸子長有室抱孫矣
而氏歿年八十八鄭氏孀居二十餘載卒年逾五十嗣
子竟流落至今人爭傳二赤腳寡婦云

林氏龍溪黃裕妻年二十六夫卒於外域氏聞訃不勝哀
痛然見姑哀則自抑以勸姑處妯娌無間言伯嫂閱其
苦節以自出四子分其二與為嗣日貽穀學茂氏卒年

五十三歲

林氏龍溪生員郭長欣妻年十九欣死娠九月弗忍從死
與姑相依姑嘗患背癱幾潰林祝天以舌舐之瘡肉悉
平人稱異焉所娠生男名名駒雖鍾愛而課督甚嚴日
不怠讀書將隕先緒駒補邑諸生氏卒年七十六

王氏海澄歐一鳳妻年二十四夫亡營葬無資盡鬻簪珥
以襄事孤方週歲饗殮不給勤紡績以鞠育又遇荒歉
掇園蔬充饑未嘗果腹年九十一卒

江氏怨娘海澄甘添生未婚妻夫病瘵入門奉事湯藥年
二十夫死不事膏沐母欲奪其志不可家無擔石儲孀
守四十餘年常遇翁病割股和藥以進病尋愈人稱節
孝雙全年六十八卒

陳氏龍溪劉天福妻年二十五夫歿家貧撫育幼子成人
其堂姪未婚而亡妻張氏歸劉守節不得繼姑歡日夜
悲號欲絕氏爲之委曲調護更以其四孫入繼謀似續
焉卒年八十有一

論曰婦人之義從一而終故一齊而終身弗改莫不
以天倫順適爲庭幃之樂不幸歡愛中睽夫君悼喪
或遺以翁姑之重藐孤之艱甚且形單影隻厥生不
聊斯亦極人世無生口之窮矣然而信誓旦旦茹茶飲

漳州府志 卷之八十三
葉持門祚以慰豪節烈女不更二夫與忠臣不事二君意豈異哉卒之霰雪盡而春暉來烏頭掉楔與翟衣玉珮交相烜映如蔡太夫人林氏苦節之貞正所以爲其節之吉傳于篇首繼以林氏楊氏諸媛所以爲中閨勸也

林氏 吳氏 沈氏 吳氏 陳氏
黃氏 官氏 林氏 林氏 林氏
涂氏 林氏 戴氏 葉氏 許氏
游氏 韓氏 許氏 蔡氏 鄭氏
王氏 李氏 劉氏 蔡氏 李氏

徐氏 陳氏 黃氏 鄭氏 李氏
林氏 呂氏 許氏 周氏 周氏
黃氏 李氏 林氏 沈氏 劉氏

林氏平和人年十八歸於賴元城元城有母王氏寡守氏入門四十日而元城歿誓不欲生王氏慰之曰吾亦遭此而視息人世者全其節也何以烈爲乃繼二孤子林氏受而嗣焉卒年七十八嗣子賴世銘配林氏八載生男二女一而世銘又故氏慨然曰風霜萃于一門安所避之凡守節三十七載乾隆間同其祖姑王氏始林氏以三世苦節

旌

吳氏鄭氏許氏詔安人三節婦姊姒也吳氏適沈士耀鄭氏適士燦許氏適士英未幾兄弟相繼歿吳氏年二十三鄭氏年二十許氏年二十四皆端莊靜正克著婦德而先後喪其夫子堂上有白髮之親呱呱孤子鞠育無託氏三人誓同荼苦各殫厥心送舅姑考終課諸子長成有司同時請

旌建坊貞風正氣以類而聚僅事也

沈佳娘詔安林毓妻年十七歸于林二十而夫故舅姑在堂所遺只二歲孤耳屢欲殉節姑防之密於是甘作未

亡人奉老姑撫幼孤爲事孤子基年十八授室沈瞻娘一歲而基亡瞻娘欲殉節氏泣勸之曰我所以不死者恐林門不血食耳汝幸有身若得男吾與汝猶有望也後果生男今監生林錫是也錫娶婦之日瞻娘以夫有承祀姑有孫媳代養吾事畢矣是夜竟自縊遂初志縣人請

旌表族鄰欲以姑媳並貞白之有司沈氏曰是太近名也終不許壽八十一終

吳氏爾娘龍溪人監生陳士璧妻年二十七寡育子備極辛勤夫兄士琮妻施悅娘年二十八寡寡五載值士琮

忌日施一慟嘔血數升囑吳氏曰吾將從夫地下以孤
文美及女累吾妣時家已析吳許捐已資爲教養婚
嫁費施卒吳一一踐言夫弟士珠妻林默娘亦二十八
寡孤繼厥林哀慟尋死吳力勸之出已資求族人子爲
之嗣衣食與其後文美娶婦王兌娘文美歿死兌娘寡
居數年亦死遺一男一女吳並收撫之吳年五十七終
臨終復屬子文善待諸從兄弟姪一門四寡而吳氏節
操識度尤迥然

龍溪連氏一門五世得四節婦其最先守節者曰陳氏連
日融之妻也十八于歸二十七歲而寡家故貧姑老子
學殷學諱俱幼陳氏勤女事以供衣食時山海交訂幸
苦漂泊卒以無事苦節三十九載卒其次守節者曰周
氏連國柄妻學諱之婦陳氏之孫婦也國柄生數歲而
學諱夫婦相繼亡鞠于伯父學殷周氏入門事學殷夫
婦如舅姑之禮生一子宗英甫八歲而國柄歿周氏寡
守脫簪珥衣飾營書室延師教子年未五十而卒其次
守節者曰王氏連宗宰之妻學殷之孫婦陳氏之曾孫
婦也王氏歸宗宰三年而宗宰歿王氏年甫二十遺腹
僅七月王氏泣禱柩前曰天未絕吾夫幸而男也終撫
之若女也則相從地下已而家琬生王氏愛養撫護日

則偕叔母周氏奉八旬祖姑夜勤十指銖積爲家琬娶婦唐氏既得孫矣乃命家琬往南洋謀生未數月而訃至唐氏慟哭幾絕誓不欲生王氏泣語之曰汝翁歿時若夫尚在吾腹吾寧不死延至于今爲連氏一脉也因抱孫啟聰泣曰若死是孤也將何恃而屬諸余余羸老氣力竭矣堪再世任此乎汝賢當憫我唐聞言卽翻然矢志撫孤孝養王卒年七十三唐卒年六十五唐氏次王氏次節家琬之妻學殿之曾孫婦陳氏之元孫婦也幽貞萃于一門異哉

龍溪張氏一門四世得五節婦黃氏張士耿妻年二十六

寡撫子國振及遺腹子國維年七十五卒國振妻李氏年二十四女君亡撫子文止入海澄學亦旋亡李氏年八十九卒國維娶陳氏生二子啟智啟鑿皆早世陳氏二十七歲寡八十二歲卒啟智生子雲煌啟鑿生子秀惠秀惠娶妻蔡氏鳳娘孕三月而秀惠亡鳳娘年十九寡守後其子娶婦生孫鳳娘以一孫繼文止曰不可使世父無後也雲煌婦李氏年二十八而雲煌亡鳳娘勉之曰累世苦節汝復遭此命也夫李氏撫子大瑞大瑞亦早亡有孫鳳娘八十五歲卒李氏年六十四歲卒

官氏年十八配龍溪陳仙爲側室奉嫡宜家內外無間言

越九載夫亡氏矢志撫孤既長令遠服賈以所得贍諸
嫡孫卒年近九十其嫡長子淑賜早歿婦李氏年十八
寡居三十載沒未幾李氏子標芳繼殞而歸林氏亦以
未亡人稱時年二十九以傭作女紅爲活四男一女餬
口皆從十指出每春夏間女紅稍歇不舉火者數日無
難色壽九十四三世苦節人稱歎焉

林氏罔娘年二十二適鄭壽甫白日而寡姑老矣恐家貧
不能留婦氏泣曰終身不改豈以貧富論願力女紅佐
饗餐無他適理乃求族人子爲嗣服勤忍饑以仰事俯
育子長既娶而歿婦嚴氏亦承姑志誓不嫁姑媳相依
共撫未週歲幼孫一燈兩筐自力衣食林氏孀守二十一
載嚴氏孀守二十一載俱以節終

林氏漳浦人適同邑許逢春生四子矣八載夫歿氏仰事
俯畜皆得其宜性和順不樂與人爭訓諸子嚴而正每
自學舍歸聲或太揚亟召而問故加戒飭焉居平好施
與治家勤而儉年雖老猶夜寐夙興劬勞作苦爲諸婦
倡時弱媳鍾氏孀居八載而歿仲叔妯二吳氏俱年少
守志視氏苦十倍恆加勤勉相慰藉焉林氏卒年八十
有三 吳氏逢春仲弟逢桂之妻春結褵冬舉子泰未
幾逢桂沒年十七自矢守孤親戚哀之而懼其難氏從

容靜默喪次外罕聞哭泣聲惟孤兒泰飢飽寒暖是節
泰既就外傳猶執巾爲沐污垢撫之若嬰兒長娶婦蔡
氏週年而有子一堂三代衆謂節婦功成矣無何泰卒
蔡氏晝夜哭嘔血後一年亦卒遺孤三歲氏撫之親兒
加謹年十九將授室矣忽病殞氏捐膺大慟乎天乎吾
年十七哭夫守子三十四哭子守孫孫在則子與夫俱
在耳今又哭孫焉吾更何守哉絕而復蘇自是哭不輟
時昏暈與語多不省夫弟請以子爲繼領之而已遂不
起卒五十四 吳氏族妹曰性娘歸逢龍叔妯也性和
而敬動止言笑皆有禮法逢龍沒氏年二十四遺孤長
五齡次未及二歲念孤幼翁姑在堂不可頃刻離十餘
年不歸寧父母強之不聽也姑疾侍卧起奉湯藥徹晝
夜者五閱月或諸妯與諸子婦侍間歸已室漏下三四
鼓輒起聞有呻吟聲卽立至姑喪數日不食哀毀因漸
成疾見者皆知其不永也子長授室彌月喟然曰吾今
可歸寧父母矣亟命駕往比還病益劇召二子曰昔不
從汝父地下者爲汝兄弟幼宜代汝父奉二老餘年耳
今吾事已畢沒吾寧也肅諸娣妯與訣曰我妯娌同事
二十載未嘗聞一問言不知後來人肯如此否言畢洒
淚家人無不泣下時年僅四十二

林氏漳浦邱維龍妻年二十三夫亡子一曰靜淵氏事翁
以孝治家以勤子長授室張氏未有子而天婦亦年二
十三以族子爲後維龍有兄鳳儀婦三人並守志長曰
陳氏庠生丕妻次亦陳氏大鍼妻次許氏日光妻二陳
氏皆有子獨許氏無出立嗣焉妯娌三人孀苦相依共
矢潔清姑媳娣姒稱五節陳氏之寡也一年二十七
年二十二許氏最少年二十一其卒則俱逾七十云
太安人徐氏長泰贈通判戴鉦妻鎮海御史仲吉長女柳
州道璣之冢婦也安人年十七爲戴氏婦用敬順厥翁
姑以孝聞越四載舉二子而鉦天當是時海氛震蕩家
禍頻仍安人雖以娶婦幸免擄掠而風雨飄搖凜乎有
破巢毀卵之憂因朝夕祝天冀或完聚厥後姑生還安
人屢戚戚焉以翁老捐軀海外爲痛也如是者又十年
長子灋官通判始得以

恩封

太安人年八十二而終方灋之判廣州也請迎養安人
侍老姑不忍往姑趣之乃就道旣至告灋曰祖母近耄
矣我奈何負祿養而輕違膝下且諸母兩人同年少若
節至于今于我爲寬矣顧獨以老人奉事委之乎不數
月亟命駕歸焉 安人妣曰諸氏楊氏諸氏戴鉦妻江
南無錫進士保宥女姿性莊淑少學禮于稽光世言動

舉止皆循循有法度工于書更嫻吟咏翁璣推淮關聞其賢爲子錕擇配焉鉀年少能文氏對案相莊昧旦雞鳴以文字爲交警稱雙美甫六載鉀死氏變食終身稱未亡人者六十一年每獨處無聊輒援筆哀吟以紓悲愁湮鬱之情其詞曰喪父喪夫兼喪子思姑思母更思鄉讀者想其境深爲嗚咽矣矧曰身受 楊氏戴銜妻邑進士夢枝女十九歸于戴逾年翁遭海氛之變被虜者十三人銜與焉氏偕夫生母余奔赴臺灣以女紅易甘脆出入賊壘職納橐餖焉璣殉難破賊歸所虜銜旋殞于澎湖氏年甫二十痛不欲生姑憐之命夫兄以子

爲嗣鞠育撫教逾于所生事兩姑咸得其節卒年七十二噫娣妯堅貞實由天性抑亦相觀而善乎其後復有以節著者曰李氏 李氏戴宗杓妻漳浦人勤慎儉素而好施卓卓焉有夫家風範年十七歸宗杓爲涂安人孫婦宗杓弱冠補弟子員能守其家學早歲而天氏年二十四未有所出側室有子一人氏保抱提携訓誨督責以楊氏爲法束身就範侃侃自將以諸氏爲法奉侍祖姑色笑無違一若安人之奉其姑者嘗曰吾祖姑年逾五十猶盥漱衿纓行間安禮不少哀吾等敢不自盡族黨稱之輒曰氏于安人肖也歸也年相若歿也壽相

若其畢世艱貞也志與事無一不相若或曰安人魚軒象服始雖苦而晚則甘矣不知宅里之表氏之志節未始不揚于

王廷也

林氏與娘南靖許士協妻年二十四夫亡家貧忍饑寒以撫孤子友愷長娶周氏寶娘年三十而寡當是時海氛播蕩姑失明氏負之于背手携弱子逃避山谷間幸免於難厥後子隆恩遊庠序生二子而又天婦藍氏習娘年方二十一門三世零丁孤苦兩孫又喪其一隣里無不爲酸鼻者林氏六十八周氏七十四藍氏八十俱以

天年終

戴氏南靖生員許大衷妻年二十五而寡夫弟維檜妻陳氏年十九而寡戴氏嘗以列女傳孝經相勗家無升斗矢志益堅戴氏以夫姪爲後卒年七十二陳遺腹一子卒年六十四人稱妯娌雙節

葉厚娘詔安生員葉威揚次女也五歲通孝經父爲之講解輒點頭應唯進退恂恂然有孝女之目長適沈汝可

以勤學相勗敬事舅姑越四載汝可染痰疾未幾卒氏年二十四遺兩孫兒勤於紡績以資養育舅姑沒貧如洗嚙飯預以供朝夕比二男長成拮据爲之婚娶長男

潘少府志 卷之三十三
三
希尚天男女孫皆幼氏殷勤撫畜不衰卒年六十三
許慰娘詔安沈冠妻二十于歸六年而夫歿撫兩孤子辛
苦備嘗次子旦娶王城娘子歸時年二十九矣夫卒未
有所出許氏卽以長子之次子繼之王氏寡守無二志
先是夫之三弟爵娶阮媛娘子年二十五而爵卒許氏以
次子旦繼之其一以承宗祧亦庶幾有後也未幾而長
子培亦繼歿婦涂伏娘子二十四孀守從姑苦節五十二
載而卒許氏卒年五十一阮氏卒年六十九王氏卒年
五十二一門四節婦真命之窮也

游氏隨娘詔安儒士林懷明妻其弟懷淇娶何氏益娘子各
生男子一懷明兄弟先後繼歿游氏之孤早亡何氏僅
一孤以繼伯氏則其夫無主後矣於是立族八子以繼
兄公安嫂氏之心雍正丁未歲大創家有桑樹姊姒採
葉雜糠粃以爲糧絕口不告貸于人人亦莫知其寡而
窮至于斯極也游氏生于康熙庚申年十八于歸三載
守節至乾隆戊寅卒年七十有九何氏生于康熙戊辰
年十七于歸五載守節至乾隆甲申年七十有七

韓朝韓妙海澄人同產兄弟也朝妻吳氏妙妻高氏吳氏
生男曰祿未幾朝卒年二十二母勸改適吳氏佯許之
及卒哭母迫焉氏方浙米碎其鉢誓不從命執餅片自

畫其面血流滿頰昏而仆母驚駭去妙跪請曰嫂毋然
妙有子願爲嗣氏乃蘇不幸妙亦卒高氏年二十四與
嫂共守一孤孀苦特異孤長娶馬氏事二孀姑尤篤謹
孤又歿馬氏亦守節高氏卒年六十三吳氏卒年逾七
十今馬氏卒韓之子孫無可繼者哀哉

許氏漳浦蔡長鶴妻年二十三而夫亡遺腹生子幼多疾
病氏鞠育憫艱夫兄憐之乃復以一子爲嗣焉性和緩
與人無忤晚歲自生子年未三十而歿撫二孤孫若益
甚卒年六十七夫弟長衆娶林氏亦寡年二十六無子
撫夫姪爲後奉育姑代子道者凡二十二年卒學使黃
之雋嘗給匾旌之稱妯娌雙節焉

蔡氏羔娘龍溪姚愧升妻年二十六寡撫二孤子長殤次
曰次選娶婦黃暨娘未幾卒暨娘年二十五有一孤復
殤取從兄弟子爲嗣姑媳同苦保家延祀蔡氏年六十卒
鄭氏龍溪李坤術妻年二十六寡其弟李坤術妻鄭氏二
十三寡妯娌雙節各撫一子成立鄭氏五十九卒

王氏龍溪郭開輔妻年二十九夫與子相繼亡丐夫族子
爲嗣至娶婦生孫亦亡氏與婦撫幼孤備歷辛苦卒年
九十二

李氏龍溪王井妻與妯曾氏梁氏俱二十許歲寡俱撫一

男子同堂紡績常至夜分互相敬勉人謂之一門三敬
姜李氏卒年七十六

劉氏燦娘龍溪吳德熙妻二十寡辛勤養姑甘旨無缺而
已常以米糠薯葉充飢次子登陞復歿婦楊穹娘二十
六寡與姑同刻志厲節劉年六十卒楊五十七卒

蔡氏龍溪沈如松妻年二十二寡含悲撫子事姑孝姑蹶
而病氏具藥物必時澣滌必躬親凡六年不倦家子貴
通娶婦唐氏貴通又早殞唐以二十三歲寡撫子奉姑
克繼蔡氏之美蔡卒年七十六唐卒年五十二

石門三節龍溪李氏石郡妻年三十寡陳氏石騫妻年二
十二寡妯娌相戒勉以義命禮法是循有鍾郝風姪婦
王氏亦矢志寡居事親鞠子李氏卒年八十六陳氏卒
年五十二

徐氏龍溪余紳妻年二十四而寡家貧如洗矢志撫孤子
日溫溫復早世溫婦郭氏年二十九寡姑媳相依拮据
度日哺一幼稚見者哀之徐卒年八十三郭卒年八十
二

陳氏平和何榮圖妻二十六歲寡遺孤二上有翁姑家赤
貧養老哺幼出于十指長子國恒旣娶生一子而歿婦
感姑德亦矢志孀守姑媳並坐縲車未嘗偶離紡聲書

聲不絕陳氏年八十四卒

黃氏平和何年瑞妻三十歲寡與側室潘氏同甘苦嫡庶
二孤愛養如一夫有二弟年俱幼氏撫之如子既長各
就傅氏獨理家政勉使潛心舉業仲弟子祥成辛未進
士季弟子正弱冠有文名既娶而歿妻林氏薰嫂德亦
誓節撫孤孤又不幸早殤乃以進士祥之子爲嗣躬勤
撫育以長以教每事師法嫂氏人謂何氏一門雙節皆
有賢德焉黃卒年七十二林卒年五十五

鄭氏平和張其昌妻二十六歲寡事姑撫子節苦孝純子
永錫娶江氏生男七歲而永錫歿江氏年二十六遺腹

生次男亦甘孀守姑婦一德鄭氏年九十五卒江氏年
六十卒

李氏平和楊志宏妻二十四歲寡二子俱幼遺腹生三男
撫養長成三男宏濟娶葉氏生一子而宏濟歿葉氏年
二十歲亦矢志撫孤姑婦一德克儉克勤里中奉以爲
師李氏年八十五卒葉氏年七十七卒

林氏好娘龍溪黃鳴鴻妻二十五歲孀守生子仲霏年四
歲呱呱待哺及撫養長成娶鄭企娘而仲霏又病故時
未有子願以身殉族戚感勸之於是撫繼嗣來緒長成
娶婦林笑娘而來緒又歿時年二十二孀守三十八載

一門三節可哀也

呂氏詔安陳琮妻琮病篤氏語之曰君若不諱上有老姑下有幼子妾之責也敬請遺囑琮慨然曰此二事代吾吾瞑目矣更何囑卒之日氏年方二十歲遺一孤陳聖及冠聘林氏女爲婦十載生一孫拔梅無何聖又歿姑媳兩人同哺一雛兒殷勤辛苦不數年拔梅爲諸生人以爲雙節有報云呂氏卒年八十七

許氏圭娘龍溪連沛妻年二十八寡父母欲奪嫁之誓死不移卒年五十四子宗澤娶鄭換娘澤以經商歿於海鄭年二十七孀居撫子子長放蕩不率教慟哭夫案前

遂自經死年四十六

周氏敏娘龍溪庠生連三捷妻二十歲寡父母謂其年少無子諷以改適氏曰夫已有名籍可改適以敗夫名乎遂立嗣撫之卒年七十九夫猶子連應龍娶莊及娘龍往南洋溺死莊年二十七亦誓孀守有夫弟雲之使去至截髮自明叔母周全居雙節

周氏平和楊心甫妻二十三歲寡無子立繼嗣養蔡氏女爲兒婦家貧嗣子年十八往海外營生久不得回姑婦紡績爲生日不得飽合志同守苦而益堅嗣子在外十八載始歸周氏年已六十蔡氏年三十二子婦成婚後

周氏染病曰吾死無憾矣遂卒

黃氏平和儒士張楨幹妻年十六于歸三載夫歿氏懷娠
四月生男式龍遂決意撫孤竭誠孝養及孤長娶婦方
氏生子振璣而龍又歿姑媳同心冰霜並勵及振璣授
室蔡氏生三子振璣又亡蔡年二十八亦矢志孀守一
門三世幽貞黃氏年七十七歲卒方氏年五十有五卒
李氏平和庠生林伯妻年十八于歸二十九夫歿生三子
誓死靡他其三男捧妻周氏亦年十八于歸二十六生
子廷瑤而捧歿逮廷瑤長娶周氏生子石磊年二十一
而廷瑤亦歿石磊長娶何氏年二十九而石磊又歿遺
孤方六歲姑媳同心矢志孀守李氏卒年九十三周氏卒
年五十八

林氏詔安許開蕙妻年二十一喪夫奉事老姑撫育遺腹
子成人年八十四卒其次孫婦涂氏四孫婦沈氏亦早
寡俱撫二幼子矢志守節貞風三世冷年八十有四卒
沈年七十有五卒

沈氏詔安林飛熊妻年二十三寡撫二孤俱成人不幸次
男林希伯歿其婦楊氏亦二十而寡撫三月遺孩姑媳
相依及姑年七十八卒楊氏悲傷過慟越四十日亦亡
時年五十有五

劉氏靜娘龍溪林極妻二十五歲寡子三俱幼氏矢志撫
 守勤儉治家事繼姑五十餘年以孝聞曉文字常以夫
 所讀書課其子後子道恒茂才明經次道恂國子生三
 道照早亡妻李氏秀娘年二十二而寡遺孤週歲矢志
 撫守孝事孀姑終身無違禮子天復立夫兄道恒子為
 嗣教誨長成姑媳孀居鄰里同推苦節劉氏年九十終
 李氏年八十三卒

論曰家有節婦運丁蹇難一之為甚其可再三乎今
 傳節孝得雙節者六七家三節者七四節者三五節
 者四門戶殄瘁天實為之觀其累遭苦况艱而彌厲

若層冰之涸幽谷白玉之比崑山凜凜焉皜皜焉蓋
 萬古為昭矣

- | | | | | | | | | | | |
|----|----|----|----|----|----|----|----|----|----|----|
| 郭氏 | 鄭氏 | 沈氏 | 吳氏 | 蔣氏 | 陳氏 | 嚴氏 | 林氏 | 林氏 | 劉氏 | 陳氏 |
| 廖氏 | 鄭氏 | 陳氏 | 鄭氏 | 莊氏 | 嚴氏 | 王氏 | 林氏 | 林氏 | 劉氏 | 陳氏 |
| 康氏 | 許氏 | 陳氏 | 許氏 | 張氏 | 王氏 | 王氏 | 洪氏 | 洪氏 | 鄭氏 | 鄭氏 |
| 程氏 | 林氏 | 朱氏 | 余氏 | 賴氏 | 鄭氏 | 謝氏 | 謝氏 | 謝氏 | 謝氏 | 謝氏 |
| 藍氏 | 李氏 | 蘓氏 | 吳氏 | 賴氏 | 謝氏 | 謝氏 | 謝氏 | 謝氏 | 謝氏 | 謝氏 |

張氏 顏氏 吳氏 劉氏 龔氏
 曾氏 張氏 謝氏 王氏 吳氏
 林氏 曾氏 曾氏 陳氏 陳氏
 甘氏 陳氏 姚氏 周氏 黃氏
 石氏 林氏

林氏漳浦定海鎮總兵官亮之女適同邑藍雲錦相敬如賓舅鼎元仕于粵氏衿纓綦屨侍姑側動止皆循于禮越九載夫得病且死氏從容謂曰生與君同室死亦願與君同辰凡棺槨衣衾各雙具家人有勸以立孤守義者皆不答夫既死視殮于楹東畢置虛柩于楹西遂裝

旌焉

初氏之歸藍也僻居萑谿之高叟洞夜有盜夫仗劍出追氏執爰與之偕凜然男子氣故能成其烈如此

林蘭娘詔安生員林脩女也八歲失所恃事繼母孝母亦愛之如所生父或教之書過目能誦知大義許聘于沈士達雍正二年沈生入泮病故已納聘尚未奠雁氏聞訃奔喪視殮髣髴衰絰成服畢遂懸于樑家人偵知解之甦姑撫之曰吾兒負女誠念結髮之誼死節不如立孤氏泣而從之立二嗣鞠育備至稍長命就傳歸則課讀書姑哭子致病日就衰氏奉侍益勤父來問氏泣父慰

之曰二穉子不久成立承夫祀繼先業母徒悲哀傷老
姑心也急收淚強爲懽顏者六年志切同死以憂傷成
疾延醫診之謝曰未亡人可令男子近吾手乎絕粒七
日將終顧囑其夫之弟曰叔爲我敬事老姑二穉子幼
宜督之使有成言畢遂瞑鄉人呈請

旌建坊入節孝祠

林氏龍溪人年十八適夫朱傳未有子傳卒于臺灣計至
林適歸寧是夜欲赴水死母覺救之明日奔回招夫魂
爲位而奠之妯娌知其欲同死也防之密林乃佯爲舉
止如常忽一日沐浴更衣閉戶投繯而絕

劉氏龍溪儒家女也嫁夫歐諒家甚貧傭耕自活劉既歸
則携纆出汲備歷諸艱會歲屢稔諒貸戍卒一金爲市
販無以償被繫劉鬻衣免之諒曰爲人擔負受直竟以
勞卒劉負土成墳旣畢泣謂姑曰子痛貧無以養不謂
令父母哭子也兒不能復爲婦矣有仲在善視之姑還
劉自經于塚下里人陳常夏聞而悲之爲之傳

陳氏龍溪王承白妻承白病入膏肓不敢娶陳之父母知
瘖疾不可爲亦有異志女素知書誓不他適遣姬申言
於王願及識夫面親侍湯藥王感其義娶之兩月而夫
歿殮畢乘夜投繯棺側家人覺急解得蘇哀毀不食王

家多方勸之卒餓而死

嚴氏龍溪黃肇復妻肇復死紡績自守順治六年土寇陷石美城民多被掠嚴氏與焉至景莊墓不肯行曰吾未亡人早辦一死豈從若耶寇脅之罵益厲遂遇害

王氏準娘龍溪諸生吳世德之妻也父麟瑞南靖人以孝徵辟官至監察御史王氏幼習父孝已能承順二人年二十歸于吳事舅姑如父母族黨稱之性和柔姊姒六七人同爨而食咸得其歡吳家雖世宦而貧王氏親操井臼執女紅常斥賣嫁時物以供菽水夫疾奉侍不少懈及死慟絕而甦父來視女王氏悲不自勝涕泣再拜辭別父亦涕泣不能一語頃之謂舅姑曰夫死婦義不獨生不能終養大人願自愛有姊姒在願勿以爲念遺孤幼撫之而泣曰吾不能見汝之立也家人勸之皆不應七日朝奠沐浴更衣閑戶自經死時年二十九歲漳縉紳士庶具以事聞諸官請

表焉

王氏伴娘南靖金山人國子生拱栢女也性至孝自少即厭華麗喜讀書觀古人節烈事輒歔歔流涕許配同邑鄭統未嫁而統沒女時年十七不哭而神傷以所治綿布寄爲歛具因謂父母曰兒聞烈女不更二夫兒將相

從地下矣父母泣而慰之曰若必欲守義終身不嫁可也否則往夫家立孤撫之亦可也奈何以死戚我二人女默然不應父母懼囑姊妹輩防之甚女度不得遂乃詐曰吾今釋然矣未歸鄭門尚非其婦於禮固無取也姊妹信之各就寢迨曉女寢門不啓推戶入視見女自經死顏色如生於几上得書視之曰不孝女伴百拜上辭父母命既如此義不容生願勿以兒爲念舉家慟哭鄉閭聞者莫不奔走瞻拜有司遣人致奠夫家迎其主以歸

烈婦洪氏者漳浦薛燕配性警敏寡言善女工歸薛十餘年事翁姑以孝聞燕未有子罹疾洪氏侍養不離側母知壻病劇來與居先是母來洪氏愛敬甚篤至是辭母令去母微叩其意答曰吾上無舅姑莫責我以孝者下無嗣續無望我以慈者吾死義也母復言夫疾旣篤粥飲湯藥多不入口輒盡啜或止之曰夫所食也不可棄於地母一日携蔬相餉盡委之地曰我與壻盡不食矣安置此時長妯吳氏在旁私曰若素孝何遽如此垂淚言曰母愛我我死必念我成疾病今故違禮或減母異日哀也與母謀繼嗣吳氏有男三願以手抱者爲繼則佯懇曰幸次者與我稍長易見其成立以爲然憂稍

釋暫歸夫病革夜深獨小姑在側給之去少頃夫沒洪氏爲揭寢帳蓋衾自著新履服嫁時衣以帛交頸懸牀櫺而死天將曙小姑叩門無聲擠戶入端坐牀中顏色不變呼之不語驚曰嫂氏與兄同死久矣家人相聚而痛曰若生平純孝重節義今果死若得矣其如我家門何哉蒲人以其事聞之汪令君將以請於

朝而旌表之死時與燕年俱三十燕明孝子薛大義之裔孫實行紀之邑誌云

鄭氏漳浦游晏妻也晏貧以女工佐食生子甫週歲而夫死時臘月之夜氏爲夫正衾抱其嬰兒整衣梳洗以茉莉花根煎酒飲之伏晏屍以死詰朝近午隣聞嬰兒聲推戶視之見其已死也聞於縣令甘菴

旌其門

陳睿娘長泰陳演震女也歸于邵旦寔甚勤紡績以佐食旦羸病三載氏籲天願以身代既而旦死睿娘盡鬻所衣食具以供殮哭不絕聲水漿不入口姑知其意謹防之越七晨防偶跡赴井死

嚴氏名姜長泰人年十一忽吟曰蒲葦紉如絲盤石難轉移父怪而問故答曰夢中得之父卒歸于王未幾王得臙病有終風之暴氏曲意侍之未嘗拂也王死氏號曰

天乎吾何托哉哭而幾絕者數乃強起爲梳沐殮之臨
葬命側柩於左盡哀七日而緇死氏無子年二十有二
嗚呼蒲葦如絲盤石不移命也夫

王氏龍溪人年二十適長泰戴鐵家貧無愠容一子甫週
歲夫往臺灣死焉氏食貧茹苦若將終身逾年子亦殤
氏以死自矢妯娌防之越三日夜靜氏竟伺隙投繯解
之顏色如生口含衣袂一團蓋恐其聲之聞于人也烈
哉

鄭氏向娘同安人配長泰戴山貧不能具禮至年二十四
始克于歸甫三月山往臺灣卒翁以貧故示以他適意

氏從容對曰請待夫某復而行于是招魂設主氏決意
殉夫家人防之密逮元夕招女伴出遊竟先歸懸樑而
死年二十六

謝氏南靖莊介夫之妻介夫善吹簫夫婦相得甚歡未有
所出偶於月下捕魚蛇嚙其指明日遂死殮時謝以額
叩棺流血爲家人所持乃揚爲無死志者防稍懈十餘
日具禮服出拜翁姑求夫兄之子爲嗣許之是夕家中
寢畢解裙帶自經死

蔣氏南靖邱萬妻夫死哀涕不已或時往夫墓痛哭其叔
勸之歸寧答曰余之夫不幸以沒上無公姑下又無子

予焉得歸既卒哭自縊而死

莊氏雪娘南靖簡世芳妻年二十五夫破于臺灣氏聞信以石自擊其首流血被面家人懼給之曰未實也稍止日不再食後一月函問至痛哭欲絕已乃拭淚求嗣夫兄卽以子繼之嗣定爲夫服斬摩其嗣子之首而泣又不食家人互勸之終不從忽一夜自經天明戶未啓踞戶視之僵矣年二十五氏平居每與妯娌言聞節烈事則曰必如是乃可爲人後果無愧焉

張氏平和陳夢龍妻夢龍病張侍藥不效醫曰盡今夕矣大戚遂自刎時月方望忽然黑風從屋中起十里內屋瓦皆飛咫尺莫辨須臾氣絕月復明夢龍亦逝七日乃合葬於孔道之旁隣家井水盡變爲血三日居人禱于墓乃復故府縣

旌之

賴氏平和人年二十嫁夫周文明業儒也氏亦知書相得無間遭家不造八門四載夫之昆弟相繼歿翁姑亦繼卒氏哀麻不離身一無懈容夫以哀苦病瘵遂不起時兄公遠出懇伯妯以三男嗣既許之矣欲自到以殉家人群起救之得不死越數日伯聞弟喪歸慰之備至氏感伯意知嗣子可託死志益決脩書謝其父母以朱帛

縊於夫之喪次

賴氏媯娘平和鄉賓賴天向女也年十六適張士習敬事舅姑動循禮法三載生一女而士習逝矢志殉夫以繼嗣未定遲之朝夕哀慟血淚俱枯過旬議定氏乃潛持小刀詣靈前坐而自刎還刀案上兀然不動時年十九殮之日姑爲梳洗見刀痕聯合無間只微紅一線可謂烈矣

吳招娘詔安吳帶女歸于林樞樞病卒氏年二十三無子自矢殉夫飲毒刎吭俱以救不獲死或勸之無死改適答曰吾非爲名但無顏事非吾夫者耳一日祭其夫防稍懈是夜櫛盥懸楹死焉合葬於馬山之麓知縣蕭永域親祭而

旌之

鄭氏詔安生員胡欣然之妻欣然卒氏將死之家人曰何如守節氏答曰所爲守節者有孤在舅姑無倚耳今氏未有子而舅姑有叔在吾志決矣吞金環不死投繯以逝

許嫌娘詔安城西人也許字沈士彥爲妻性端莊貞靜夙嫻內則閨閣稱爲女博士自許字以後卽以女紅自課足不窺閫後稍聞士彥病朝夕憂戚每清晨祈禱不令

家人知也一日訃至氏素知大義卽向父母環拜以報鞠育之恩隨以死自誓凡投纆斷頸無不甘之家人防之密乃止旣而憮然曰夫死而舅姑在未盡婦道非孝也夫死而不爲立後使無祀非節也製衰經欲赴沈門治喪沈故詩禮家及期來迎至則呼慟擗踊絕而復蘇者再然後謁舅姑拜跪如禮勉嚮粥以慰二人意朝夕奠泣血失聲隣里親串聞之莫不流淚又以繼嗣未定日夜憂心向夫之弟求立嗣叔亦孝友感嫂氏苦志各命二子爲繼時乾隆二十年九月十五日氏乃欣然拜舅姑曰亡夫有後吾責已盡矣是夜卽投纆死後與夫合葬於松柏山之原時人謂之連理塚云

余任娘潮州鳳岡人也自幼克遵姆訓長嫻閨儀年十八于歸詔安南關外沈光應兩載沈病奉侍湯藥朝夕不懈及病篤問以後事夫指氏腹曰此中遺血若男以延宗祀若女可勿養宜別適也氏曰天未絕後必得男子若女吾定尋君於九泉矣乃指天立誓已而夫歿果得男奉事翁姑克盡婦道吞聲飲血不敢揚人問其故曰吾舅姑愛子致毀瘠若更爲哭泣反增其痛悼耳及舅姑相繼歿氏携幼子喪葬辛苦萬狀鄉里爲之涕泣越數年孤長成卽欲自盡又念夫柩未葬乃延師擇地預

築雙曠及發引放聲大哭曰良人俟余沐浴整衣閉戶
勺水不入口親戚勸慰孤子泣跪曰母若如此兒何依
氏曰汝母所以未死者爲子故也今子已長成吾與汝
及誓不可延爾當刻厲爲人勿墜家聲吾死猶生也遂
絕粒而死

吳■娘詔安四都鳳頭村許族妻年十八歸于許產一男
未週歲夫沒氏投繯者二投水者一俱以救得甦父母
勸而勉之曰汝夫尚有一脉汝死不惟姑無依此兒亦
不能存汝夫之血食斬矣死非難代夫盡子職婦道爲
難耳於是苟延殘喘日孝順老姑冀覩孤成立及姑死

未終喪所生男年十七遽殞氏自是勺飲不入口親隣
族黨互相勸勉皆泣不應至正月二十八夜自縊而歿
時年三十有五家人哀其節烈因爲其子水生立嗣

沈郁娘詔安三都東關外朱錫金妻八年夫病故悲號不
絕家人防其雉經氏曰親老子幼余何敢死遂從容守
節自夫故後家無粒積諸夫弟繼歿惟一弟存與母相
依氏計無所出寄二子於母家而身勤紡績首如飛蓬
不堪其苦及翁姑繼亡殯歛喪祭竭力盡志二孤亦長
成矣於姑之大祥後謂子婦曰婦道母道亦稍無缺今
將尋爾父於地下矣子及婦跪勸弗聽遂絕粒而終年

已五十有五也

陳罕娘詔安儒士林媽生妻于歸未一年夫染疾氏敬奉湯藥不離左右父母命歸寧不從病革夫與之訣氏指心約同生死夫歿氏與衣鬻斂省棺視斂哭泣盡哀水漿不入越三日曰我去年以是日入門今當以此日從夫逝遂仝妯娌往省夫墳卽欲碎首諸婦救免回家乘間投繯卒

陳謙娘詔安寶榜村人年十七歸林客甫三載一子週歲母來問夫病竟不起詔之俗夫死婦散髮跣足汲水于盂爲亡人浴俗以此覘婦之去留是日母阻之奪其盂氏哭一晝夜二十六早母欲回家向氏細語者再氏以幼子與姑給導其母出村及姑回已投繯氣絕矣年二十隣里之人無不墜淚

朱玉娘詔安銅山人儒士王任妻也王得病醫治難痊焚香禱祝願以身代無何夫歿哀慟毀容卽堅殉夫之志及卒哭遂嚴粧自縊于房年二十四歲時雍正九年也至乾隆二年又有朱用娘儒士林霍妻也夫得血疾死氏誓欲殉夫屢勸阻之及夫歿枕屍慟哭縊於屍側家人救護氣已絕矣時年二十二歲至乾隆十五年銅山營兵洪振之妻李勤娘生有男女矣夫隨征臺灣番社

以勞成疾卒氏陽爲不甚慟嗚夫弟善事姑其夜束身
皤素縊於靈前營參將及中軍守備錫匾曰殉夫死節
三烈婦皆能從容就義如此

蘓氏海澄人適夫李忍期年忍得暴疾將死遺命曰余家
貧又無子若勉事後人蘓哽咽不能對數日忍卒蘓戒
匠人大其棺將殮舉刀自刺姑奪之不死復自縊救之
亦不死其母私謂曰死一夫易一夫俗固常爾蘓云是
狗彘棄其餘者也兒不能與若輩並因給其母以事舅
姑決不死母還遂自縊也

鄭氏名碧娘海澄人年十六適於士人曾合方十月而夫
死氏哭而哀取其環瑱鬢髮及綺羅華麗之物悉投之火
曰無爲吾身事矣朔望依禮哭奠家人莫有知其志
者小祥祭畢開戶投繯而死

鄭氏海澄人年十七歸曾美甫數月而美死氏痛哭昏絕
者數其姑憐之時爲寬解然氏日毀瘠十月初冬寒風
颯至氏瞿然曰吾去矣以是月來今吾夫幸有兒以終
父母餘年他無所異言旦暮當入地共保歲寒耳月之
十日去年歸會之日也屆期氏炙雞酌酒哭盡哀夜定
闔戶俄而房中格格有聲排戶視之則自縊死矣

許氏海澄林天祿妻于歸十二日而夫亡年二十二矢志

奉老姑喪畢姑亦亡家故貧凡喪費悉出裝奩又不足取諸父母家迨終喪與諸親訣曰命薄失所天又失所恃偷生何爲隨投繯死

林忍娘汛兵婦從夫隸汛于海澄夫故暴悍林順而下之夫病書夜扶持衣不解帶夫卒矢志殉之迨卒哭奠如儀既葬告其卒長曰氏當從夫地下主許合殯則死且不朽遂自經死

李氏龍溪人順治三年大兵初入漳郡與夫逃難相失爲亂兵所獲載之馬上過南河投橋下而死

郭氏龍溪人順治十八年強寇夜劫氏與夫黃義俱被擄

至中途給賊曰有我在要夫何益不如放吾夫歸亦可備銀贖我賊然其說釋義還氏度夫去遠遂不行賊急驅之曰逆賊我豈從汝耶賊怒遂殺之

廖氏漳浦陳友妻也家貧不給事姑以孝聞時方鼎革謂夫曰亂離景態擄掠頻聞君當敬慎扶持老母勿以妾爲念倘有不測惟死而已值官兵討賊湖西恐見掠遂投水死三日顏色如生夫感其義終身不娶

康氏漳浦人嫁夫林就食貧事姑以孝聞丙申大兵至佛潭橋康慮不測與妯娌訣夜登樓縊死

程氏漳浦林乾妻也有姿容康熙壬寅山寇劉暢哨至馬

婆山氏被擄迫之不從令他婦誘之曰我等到此卽欲全節誰能相信何如忍辱須臾庶望生還耶氏曰吾行吾志耳何求人信卽不得已計惟一死肯效汝輩無耻乎賊怒加之刑氏罵不絕口死

藍氏平和楊平妻順治初年賊攻破東寨家人各倉卒逃生氏與夫訣曰苟不免當畢命一刃毋以予爲累事平夫回室中見一刃搥胸倚壁而斃顏色不變時年十八張氏平和人夫黃賓海澄公族也賓早卒撫其遺孤乙卯之變孤從芳泰突圍出請援城陷氏曰吾婦人不可以辱遂懷石投井中死

顏氏海澄林日暄妻事舅姑盡婦道順治十七年流寇劫鄉村氏襁負二載男被掠驅至涵頭橋繫于欄氏潛斷其繩躍海中死群盜駭歎而去

吳二娘海澄謝楚材妻康熙癸卯遷界夫婦相携遇盜爲所執盜給欲奉楚材爲主實利吳姿色也吳拔賊刀割頸血沾衣未死再刺喉卒群盜駭愕楚材得還夫家故貧無有知而表之者

劉馮姐漳浦雲霄人回家女年十五適張敏牧豎也隣有惡少方悌謂馮艷而敏慙可私也誘之百端不爲動俄以獨居見迫堅拒弗納不勝憤自縊蓋婦于張者未四

月也父劉蔡訟于官悌賂胥吏得緩獄會總督姚啓聖至漳嘉劉節烈顏其閭曰爭光日月命同知李甲聲卽其家致祭械悌伏馮几下榜其背百不死幽于獄李爲紀其事于家并贈以詩

龔氏平和曾士灼之妻也夫擄蒲喪心貲用一空計氏裳尚堪一擲氏方春士灼乃僞撥米狀委孩白中氏兩脚按石杵不敢動遂脫裙去氏雖念姑安之旋有以利啗士灼者將遣氏去因投繯以死

會聘娘平和人少歸朱僭長而成婚僭蕩出數年不返聘娘事姑益謹後傳夫故有董姓者與其仲叔謀強委聘焉行有日矣婦晨起正服雉經死邑侯胡邦翰親詣其閭倡紳耆送葬于東關外而樹石以旌焉

張粹娘海澄人歸長泰王仁甲寅之變其父貪豪金謀再奪而嫁之粹娘誓不從然知其不可已夜對夫吁泣夫出遂閉戶自經死

謝氏揆娘龍溪陳奠邦妻夫死有女六歲旣卒哭以衣物付女囑曰孝順阿媽遂自縊

王慎娘龍溪丁璫妻逃亂遇寇恐爲所污投深潭死寇退璫往尋之屍忽平身挺立水上璫乃收葬之

吳氏玉娘龍溪游清長妻幼嫻女訓語言不苟年十八于

歸入門遭夫病奉侍湯藥四閱月衣不解帶夫歿撫屍
哭極哀收淚拜舅姑曰願二親強飯加餐勿以不孝子
婦爲念少間入閨雉經而死顏容不變遂合葬焉氏爲
人孝敬溫和其卒也族戚皆爲淚下哀其烈尤感其賢
云

林氏龍溪蘓安嶠未婚妻安嶠將娶而卒林氏年十七聞
嶠死自狂奔喪朝夕哭奠越小祥林母造門欲奪其志
林氏入室自縊顏容如生父母將昇其棺歸重不能進
意其欲與夫合葬也乃葬于夫墳之傍

曾氏解娘年十八適平和鍾曾越年嘗患血症氏賣衣飾
爲夫療病竟不起殮畢氏懇夫弟次子爲嗣拜辭老姑
曰婦將從郎地下矣復囑其母弟歸告母氏勿以薄命
女爲念遂到夫柩前搶地撞胸嘔血而死面夫端坐顏
色不變族戚皆爲泣下因與其夫合葬焉

曾氏嘉娘平和黃級妻十五歲于歸翁姑早亡淑慎自持
言笑不苟越年級患血症氏孤身侍湯藥數月目不交
睫級亡氏爲夫具棺殮畢以麻經自縊哭泣顏色不變
氏本貧家女年方幼艾舍生就義視死如歸黃童白叟
咸爲唏噓泣下焉

陳氏平和曾世焜妻夫歿時氏年十九立志殉矢念翁姑

在堂未可以死待夫之弟昏禮成以敬事雙白囑弟姒遂畢命焉夫弟生男立繼存祀

陳潔娘龍溪楊靜甫妻年十八于歸甫四月海寇猝至驅之行靜甫追及號泣不能出一言賊挾之登舟去遂投龍江死靜甫感其義終身不復娶後人為之立繼

甘氏龍溪陳廷榜妻歸于陳生一女而廷榜歿鄰有巧媒勸之曰汝年尚少夫死女釋家又貧無嗣子可依盍自為計氏泣曰有姑在堂老且病夫死我去姑誰為養後二年姑歿拮据畢三年喪鄰媒復誘之氏不應寄其女於外舅家遂自縊卒

陳氏僭娘歸潯江林氏子林販海溺死僭娘聞信即欲以身殉家人詒曰舟阻風避他所耳非溺也僭娘減餐祝夫生還久之知夫已死乃延母至家與訣曰兒無子願從天地下母勸阻之及母歸是夕仰藥卒越日乃殮顏色如生

姚氏星娘長泰人締婚于石鎮陳日耀日耀書生也以力學卒姚氏聞訃即辭父母欲奔喪不許以死請乃許之告于舅姑遣輿來迎姚氏恬然就道入門撫柩號慟累日夜絕水漿請翁為夫立後氏性恭順事舅姑訓子外惟日勤女紅凡族戚有喜慶事雖力邀請未嘗一往即

女伴亦稀覯其面也居十有九年子長畢婚姚氏乃自治衣服戒囑嗣子婦深夜投繯卒面如生

周氏許字龍溪諸生王廷棟之子未婚而廷棟子歿周氏誓不再適自赴夫家養舅姑撫繼嗣未幾舅亦卒事老姑得其歡始終貧苦益甚日不再食子病無所得醫藥竟死周大慟日向所以不死者欲上養舅姑下延王氏血食耳今已矣安用生爲遂自經卒

黃氏姜娘許字龍溪王德德病故氏請往夫家守節母勸沮之氏自誓必死遂却食毀粧母不得已許之翁復以貧力辭母將議別婚密戒家人勿令女覺也已而氏聞閨戶自經死顏色如生夫家迎其主歸祀焉

石氏慈娘漳浦生員邱調元妻少讀書長明於大義嫻吟咏年十八歸於調元逮事姑姑久病氏旣廟見侍奉維謹姑歿家貧困盡鬻嫁時粧殯殮得如禮越二載夫又歿隻身支持者蓋滿二十年初氏之方寡也夫鮮兄弟身無子女鄰懼其死以殉也氏作詩曰晝菘和丸不可期久存人世欲胡爲夫親未葬嗣猶待此事擔當寄與誰後父病歸寧母欲奪其志氏逕返又作詩曰說起人情有是非癡情甘愿守孤幃干今懶作歸寧計再誦蓼莪淚滿衣迨姑極已卜葬嗣亦定因託疾不食父欲延

醫視辭曰娶也而令男人胗視乎復作詩曰生來障業命由天婦道母儀敢自全為愛兒夫相待久蚤歸黃土自安然遂以烈著乾隆乙未三月二十三日子時卽三十九年前生身之日云

林氏龍溪郭元妻年二十九夫死丐二子為嗣相繼歿氏笑笑無依日不再食終不告人卒年七十餘

論曰人生實難乃有輕於鴻毛捐軀恐後者其故何耶天地義氣不鍾於男子卽鍾於婦人今觀諸烈婦大率稟幽貞之德心痲首疾視死如歸耳其未為婦而願為婦以死者二人外此或雉經而死或絕粒而死或刎頸而死或投淵而死死不同其殉夫之心則一也他若逢寇亂與當他變莫不凜然各獲死所致命遂志追恤其身不亦偉乎

陳氏 沈氏 沈氏 孫氏 吳氏

陳富娘漳浦人年十二喪父家貧與母操作養其幼弟妹許字同里賴成未幾成死富娘隨母往哭盡哀舅姑憐之謂陳母曰若女年少聽改適富娘慟曰吾所以不相從地下者家有老母弟尚幼而賴又無兄弟恐不血食倘得擇一昭穆相當者為夫後吾當以妹嫁之賴宗其不絕乎而吾亦得以養吾母撫吾弟也舅姑從居母家

十餘年勤作苦或時採薪自給歲凶身自忍饑以食其
母次及弟妹既而母死積哀成疾竟卒時年二十有六
知縣陳汝咸具其事請

旌之

孝女隱娘詔安沈光天女也幼穎異垂髫授書過目成誦
嘗讀詩至蓼莪輒加三復其天性之穎異如此長欲議
婚隱娘念其弟已亡遂徹環瑱願與弟婦同心孝養喪
葬禮畢遂長齋繡佛以終天年享壽至九十九鄉紳進
士沈一葵欽其令範達之蔡宗伯世遠贈之匾曰貞孝
而壽

孝女益娘詔安庠生沈梯青女也秉性幽貞自幼從父讀
書諳大義及笄時祖母撫氏言曰吾今衰邁若于歸吾
何依乎自是媒妁至皆却之又見父三代單傳烝嘗不
備遂日夜紡績勤儉以備書租以廣祀田蓋古所謂女
士者即其人歟

孝女孫粹娘年甫一紀因母病視之神願終身事父母於
是徹其環瑱日在深閨中奉甘旨無稍遺失雙親喪終
時年四十有六沐浴焚香無病而終是為乾隆十六年
九月十六日也

吳氏漳浦吳三女年十六值民變官兵四出焚掠吳與父

伏林莽間兵獲之父出護遇害繫吳氏歸抵縣治觸柱不死誓殉父不受辱竟自縊

論曰淳于意有云生子不生男緩急無可使於是少女緹縈傷父言上書願以身贖北宮之女徹環瑱以養曹娥入江求父尸此三女者事有常變孝則一也漳郡於本朝今得孝女五人焉二沈氏一養父一養祖母陳氏孫氏皆養母不嫁夫女子適人禮之正也守貞不字雖非禮所許而情則可嘉以蘭閨弱質儼然當健婦鋤犁之把其誰使之然夫惟天性篤摯不遺其親乃能若是耳吳氏以身殉父涓娥之流亞

與

- 姚氏 謝氏 郭氏 趙氏 葉氏
- 阮氏 曾氏 王氏 黃氏 陳氏
- 蔡氏 李氏 陳氏 司馬氏 陳氏
- 蔡氏 黃氏 曾氏 陳氏 范氏
- 蔡氏

姚氏許嫁龍溪陳日耀未于歸而日耀歿氏素知書聞訃哀慟欲往夫家父母難之氏曰石可轉志不可奪乃申言於陳家抱主而迎氏素服以歸事翁姑撫繼子食貧茹苦清操凜然卒年四十六乾隆二十五年

謝氏林維城未婚妻維城歿謝氏年十六欲死以殉姑聞
急往止之遂同姑歸立嗣而守三藩之變扶姑携嗣避
亂於西經羅坑姑歿鬻衣棺殮哀號慘愴感動一方海
氣稍靜借弱嗣扶棺樞踰越險阻以歸擇地葬焉室廬
蕩盡母子劬勞定宅有催糧官入其鄉聞之言於長官
免其家徭役苦節至孝尤貞女中之卓卓者乾隆十一
年

旌

郭氏仙娘幼知書許配陳桓未嫁而桓歿氏年二十二聞

訃欲奔喪父母阻之氏執甚堅遂素服而往拜謁舅姑
畢就哭位盡哀蟻卷二嗣足不踰閨尼媪槩不與相識
既送舅始終二嗣亦繼歿僅有一孫病足苦節自甘壽
七十六卒

趙氏坦娘農家女也許字林漆漆家貧往海外數年絕音
問父母有異志女不從未幾父亡氏年二十四其母送
歸林家越二載得夫訃翁姑勸氏易志氏淚血盈襟誓
死不離林家乃鞠族入子為嗣勤女紅供薪米翁姑繼
沒悉鬻家器為斂葬費蓬戶蕭條目不外視歷十六載
卒年三十九

葉氏眼娘黃閻未婚妻閻卒氏年十六絕粒七日不死黃家故貧感其義抱主迎之事翁姑生卒盡禮撫養繼嗣娶媳生二女孫而子又歿四十餘年足不踰閨日無兩餐之食夜坐輒至三更末路彌艱自安命窮年五十八卒

阮莊娘龍溪人許配陳組壇組壇客海外無音信十數載氏年已三十組壇父母願聽別字氏不肯兄弟詐爲組壇死信以貳之許嫁富家媒氏齎富家金幣以誘之終不顧年三十二聞姑病自投於姑姑驚曰吾兒大抵無歸日吾病且貧汝來將何依氏泣曰願養姑終天年餓

死所甘心也氏善女工罄針繡所蓄鬻以爲養越三載姑歿氏哀毀骨立既終喪亦自病死時年三十七曾寶娘龍溪人許字陳聯聯客遊外域東埔寨未返氏年十八赴夫家養姑及聯久不返乃丐嗣撫養家貧婦功度日坐層樓上人罕見其面親屬閱之爲貯水樓下免其自汲卒年七十五

王良娘龍溪人許嫁鄭朝華朝華病氏曰夫無父母兄弟之親誰視湯藥者遂造夫家至則朝華病已殆越四日死氏治喪慎而戚感動里隣向朝華親屬議立孤家窶貧莫之應氏以憂成疾竟卒將卒泣謂朝華親屬曰孤

不立吾目不瞑衆哀之乃以族人子福爲之嗣傳有孫
黃氏異娘龍溪人許字林文顯隨父開泰於承德縣任文
顯往就婚道中氏聞欲引決父母防之密乃素服食蔬
爲未亡人舉動有貴介求婚父母將許之以氏一意尋
死而止氏積憂成病二十五歲卒時目不瞑母撫之
曰兒其必歸林乎乃瞑林迎以合葬爲立嗣

陳學娘龍溪人許字姚雙吉雙吉客死氏欲赴姚家守節
父母難之氏曰彼旣無父母終鮮兄弟兒不往爲立嗣
其祀斬矣父母不能奪乃往立嗣子俊撫教成人卒年
八十

蔡氏泉州人許字漳浦宮保藍廷珍長子志和少讀書通
孝經內則戴記稍長女紅外輒手一編諷誦以爲常年
十八卜吉于歸有日矣志和忽歿亡計至氏以頭觸柱
幾裂爰持之力氏曰禮娶女有吉日而壻死女斬衰以
帛葬而除兒願得往弔父難之而畏逆其意謹護而往
旋護而歸氏哀慟不食告以夫侍妾有娠矣須待之乃
稍稍食旣生男氏因歸藍稱未亡人侍翁姑側容色和
平時有所屬未嘗不愜意翁晚歲得兩叔氏篤愛踰于
子其課督嚴亦與子等故叔之嚴氏也亦特甚翁歿氏
總家政井井然治子以翁蔭將筮仕邑士大夫將上其

事于太史而請旌焉氏聞曰如是是沽名也峻拒之氏以待姑病得疾且謀葬父會其兄卒悲慟疾益大作病既革猶強起正襟危坐諄諄焉以受

國厚恩圖報稱勉其叔若子云卒時年五十有一李氏石娘長泰人幼許字戴便兩家父母俱早喪便未婚行賈吧國石娘且待年焉越數載便別娶貽書令石娘改配弟兄欣然喜媒者至石娘厲聲曰父母命也兄弟豈得更之于是二十五年矣便在吧中病且死知石娘貞不字乃歸二子就育于李氏逾年而訃至石娘號慟絕勺水忽矍然改容顧二子曰我死負若父托矣不可

雖然當與若俱歸矣遂歸于戴便貧無立錫地族人爲營一宅于祖祠之側朝夕紡績以給薪水無何長子殤次者又中年天族屢爲立繼終不克有成卒年八十僉曰天道無知特耐于廟以爲勸

陳氏海澄人許配盧尊尊販外洋氏待年焉或以告尊尊曰若能爲我事父母乎因詣書令歸侍養氏遂歸盧脩婦職逾年尊反卒于道氏奉事翁姑以孝謹稱姑爲立嗣守貞教育至于成立迨抱孫矣嗣子復歿乃撫孤孫焉年八十餘卒

司馬氏罕娘海澄人許配林長素夫販洋爲生竟死焉氏

聞訃欲自經家人護之嚴乃請奔喪父母以林困乏不許也固請而歸服斬三年勤十指以奉堂上能得其歡族人憐而敬之爲立嗣凡貞苦三十三載以節終陳氏貞娘詔安人許字許林本年二十未婚而夫歿訃至父母秘之貞絕粒累日謂母曰不使我知者我已知之矣宜往奔喪父母難之告家人曰吾志決矣倘不獲遂生不如死乃聽其歸立夫兄弟子爲後奉翁姑克脩婦道苦節六十年而歿乾隆二十一年

旌

黃月娘銅山人許字楊宗語未嫁而宗語病亡氏年十八

聞訃請於父母奔喪既至楊譏父母曰吾爲楊家婦矣遂不返宗語先納婢金英生一子氏撫之如已出歲饑家貧養舅姑得其懽心年四十無病卒婢亦矢志不嫁曾燕娘許字平和周潛氏年十九未及嫁而潛外出遂亡訃至氏矢志不改適孝養父母父卒與母同寢食二十餘年及母歿哀慕成疾越十餘日卒于母家夫族迎其主祀于周鄉里欽其孝而哀其節云

陳氏灑娘未嫁而夫丁珣死氏命老嫗引至夫家申言欲守志舅姑難之氏引刀自裁姑急抱其頸從所請乃爲夫立後未幾孤復夭孺孺獨守以終

范氏詩字林高高外出久不歸氏知父母有異議遂自赴夫家侍姑立繼嗣撫之既壯有室矣而高始還年七十一氏年六十五行婚禮偕老焉窮年守貞衰老邂逅龍溪人以爲美談云

蔡氏龍溪林閣未婚妻閣客死海外年二十四父母舅姑俱歿自往夫家哭哭獨守饑寒頓踣百折不回年六十餘卒

論曰禮謹夫婦之倫未親迎則女而不婦然既問名矣名通而情麗焉在女子固自謂以身許人矣至乃事乖中變聖王田人情以立制苟未共牢合卺皆弗爲婦誠不欲以難責人絕乎經常之理而貞女之心卹卹然遠父母兄弟而毅然有行固儼乎以未亡人自處卒以養姑章而延其宗焉事有難能而可貴者此類是也昔吳季子以其寶劍心許徐君旣而挂墓若貞女者倘亦挂劍之意乎

- 李氏 許氏 王氏 辜氏 湯氏
- 楊氏 陳氏 林氏 趙氏 黎氏
- 歐氏 林氏 阮氏 李氏 王氏
- 方氏 沈氏 吳氏 吳氏 黃氏

李法娘龍溪人許字王潤潤以困於誠場憂勤致疾繼遭

漢州府志 卷之三十五
母喪哀毀死訃至法娘欲奔喪父母弗從未幾時整襟
縊死當其聞夫之訃也氏悲惻特甚或問曰若悲王生
之不遇乎曰非也悲王生之不遇而喪其母又重自悲
吾弗逮事吾姑也其從容爲夫死矢之素矣生之父迎
其喪與生合窆進士黃寬爲之傳乾隆二十一年

旌

許專娘龍溪人顏榮未婚妻榮沒於吧國信至氏號哭欲
赴夫家守節父母不許議別配遂引剪刀刺喉死

王房娘龍溪人許字陳占魁魁沒縞素慟哭矢死因而絕
粒成病病篤舅姑往視之強起整衣拜見嗚咽不勝遂
卒年十七與魁合葬焉

辜鳳娘龍溪人許字陳鴻隨隨歿涕泣欲奔喪母不從乃
縊三年母議別配遂自縊而死將死囑家人願耐陳生
墓其翁陳德厚於鴻隨墓左穿壙將遷而合葬焉以成
其志進士劉成業爲之傳

湯氏漳浦烈嶼人許字詔安吳發生發生沒女欲奔喪父
母不許女曰婦人之義從夫而已夫亡矣不往守義將
何之思以死殉又防之密比越歲逕奔夫家母追及巾
途而返之是夕自經死年方十八族人請而

旌焉

楊氏名玉龍溪農家女年十六許配於隣村吳穆穆病篤
女請於父母往視之未半日穆死女悲不自勝其翁將
以殯禮葬女曰玉在有婦矣乃用成人禮女斬衰就位
哭三日將題墓石女曰請題烈女楊玉娘夫吳某之墓
玉未嫁當歸死於楊不便累翁也翁駭告以立嗣女曰
王未嫁夫非所敢任遂以死期告其母勸之不可曰吾
有兄弟五人可事父母志已決但不當家死請死于外
人知不可奪也爲之築臺至期鄉人畢至縣令聞之遣
吏來曰宜節不宜烈女曰村家女非求名何與官事遂
從容投繯而死乃合葬於楊里之渡頭

陳兌娘龍溪陳宸綸之女也幼許字於姚錦未嫁也錦遊
學粵東道卒訃至兌娘決以死父母諭而防之稍緩竟
自縊宸綸精岐黃術能讀內典參同契而天性樂善鄉
有美事無不爲之故其女子亦知節義云

林氏龍溪人幼許字長泰戴珪珪負奇氣欲嶄然自見嘗
語人曰不進泮不授室也日攻苦誦書夜參半不寐顧
用此致疾殞訃未至氏一日神忽忽若有亡母詰之不
答也追訃至乃含淚告曰昨夜夢中與生約矣將相從
地下也父母懼囑家人防之弗得遂泰俗以二月十九
日爲神誕備齋虔奉必令處女尸之氏是日改容湯沐

供祀神前如常儀咸謂意已解防頗踈遂乘間入經于
床側父母覺而呼之逝矣去珪死七日耳翁姑感其義
迎櫬合窆而以珪兄弟各一子以爲嗣焉

趙氏琉娘許字吳奇未嫁而奇死父母將別議婚琉娘聞
知晝夜嗚咽忽一日早起易服焚香祝天爲父母祈壽
遂脫簪投井死起之顏容不變年二十有二觀風部院
劉師恕給以匾曰志隨泉下

黎氏弁娘故儒士黎雲賓長女幼許字陳寵寵不肖勒其
父悔黎婚氏聞之慨然曰是豈不可教訓乎亦失在父
兄耳氏父以女意示陳寵親身造門索回原聘氏汪汪
涕下曰是予命窮也已遂有死志旣又念父老弟幼賴
氏精于刺綉所得工資可佐朝夕未忍引決嘗語其姑
願長侍老父終身不嫁久之邑人聞其賢淑央媒議婚
氏曰吾不可苟活矣密買醪酒食之三日而卒氏德容
工兼備遭陳無良從容就死亦可哀夫

歐氏漳浦人幼許字洪家貧往臺灣十餘年不返女
待年焉無何父死與母居竇艱不能以自存遣歸夫家
時翁姑逝矣夫未還皆邈視之復令歸母家如是者三
卒依于母力女之再往夫家也夫只令別爨且不給粟
米女紡績自給以爐當灶盆當甌或終日不舉火涉如

也鄰婦有導以改適者女拒之夫兄亦屢爲言女又拒之年逾笄矣忽一日媒者至女駭愕痛斥少頃迎者又至女怒曰誰定爲此謀哉其人曰汝舅與母所許豈得中變將強摟以去女擗踊呼慟躍池中以援得不死明日迎者又至女度不得脫適家人出與語遂乘間入室自經死其叔訟之官官臨其尸觀者如堵死三日矣面如生

林氏雪娘漳浦人許配吳儒將于歸以族人論大辟罪必死雪娘聞請于母同入獄一訣獄人難之雪娘展轉哀懇情嗣激切羣憐而許之以告儒儒曰未成婦也一見將難忘情辭焉母急持之歸歸即自製錢囊以饋通情憐冀或許入見而儒卒拒之囑吏勿納且思爲決絕計令歸還合婚約告以速擇良配無以罪人故縈中懷雪娘日夜哭拂鬱不食鄰婦以俗情告者率爲所責咸俯首不敢復語儒旣知雪娘志靡他亦自分難邀寬宥乃以三百錢爲贈曰不日將就戮幸勿自苦越二日果決雪娘証其母以采菽卽以儒所遺錢繩自縊而死夫家感其義迎櫬而合窆焉年纔十七

阮氏坤娘南靖陳蔡未婚妻方請期而夫卒女聞訃欲奔喪母阻之乃陰以手織布四疋送殮且囑夫家曰速立

嗣名繼成取繼嗣成立義也復遣二布曰請以是爲兒衣吾恐不能終撫之母微窺其意然憐其少數使人乘間諷之終不可自是悲鬱成心疾旣篤猶強起告母曰死願歸陳家夫家感其義迎柩與夫合葬焉女後蔡一歲卒年方十九

李氏名珮始平和人生而慧以孝聞年十八許字於龍溪趙氏越四年趙歿女悲痛不勝心欲爲趙喪日毀粧衣布素明年父將改聘女泣謂其嫂曰余夫不幸夭折萬無再理今趙又不能迎我以歸是使余自絕於人世間也有父有母幸慰存之嫂曰是女兒顧欲爲烈女耶心

竊笑之日暮幼弟方明燭讀書女令大書節義兩字明

晨洗粧縊死父母大驚悔曰吾悞待此女矣因遣人訃

趙至殮顏色如生邑令巫元東親祭之旌其閭

王振娘平和人張伯超未婚妻聞伯超歿有姑在日未可以死遂過張門奉姑居四年得疾而殞瘞于塚邑侯胡邦翰廉得其事爲之改葬于三司廟孔道旁一時紳士無不願與執紼爲之含哀出涕云

方氏名理娘龍溪人幼許字平和瑄溪張則謙未嫁而則謙亡氏徒步奔喪哀奠七日卽欲自盡舅姑防密不得間然朝夕涕泣積哀成疾至除服已形毀骨立矣舅姑

延醫至氏麾之日吾正欲殉吾夫於地下奚用藥哉遂不御水漿十餘日而卒

烈女沈攝娘廣東饒平人幼許字詔安吳日煥未婚而日煥亡時年方十七聞訃昏絕遂絕粒遣人導意於姑姑往視之泣日生不能逮事願歸骨吳門足矣言畢而逝烈女吳素娘詔安胡恪聘爲妻端莊貞正言笑不苟年十八將于歸值恪病卒以訃聞氏愴惻失聲欲赴其喪親難之隨奔赴梅洲溪以死邑令旌之曰貞烈維風

吳氏尚娘龍溪洪楊者未婚妻性端淑爲閭里所稱夫亡誓不改適父以爲之別字昏有翹矣氏夜沐浴盛飾投環而死比明色如生事在乾隆二十三年

黃氏姜娘許字龍溪王德德病故氏請往夫家守節母勸沮之氏自誓必死遂却食毀妝母不得已許之翁復以貧力辭母將議別婚密戒家人勿令女覺也已而氏聞閉戶自經死顏色如生夫家迎其主歸祀焉

論曰生與義孰重日議重女而烈輕其生矣至情至性不容泯沒于天地故以柔順之姿而有剛果之行若吳氏碎首柱下殉父于賊者也自吳氏以上二十二人則于許嫁之夫堅矢死之志抑何引決勇而自裁審乎情動于弗自知性激于不及覺總不以生之

可戀而忍以終古推此志也堅逾金石矣

一入樓于... 志... 而日

論曰... 其... 且

則... 夫... 而

而... 夫... 而

11453

